

TABORA BA SALAMO
BA PARI

HYMNS, PSALMS AND PRAYERS

IN THE

DIALECT OF MUKAWA, PAPUA



264.0302 TAB

MOORE COLLEGE
LIBRARY

H. G. P. M.

TABORA BA SALAMO BA PARI

HYMNS, PSALMS AND PRAYERS

IN THE

DIALECT OF MUKAWA, PAPUA



MOORE THEOLOGICAL COLLEGE LIBRARY



3 2042 10014547 7



PEPETA.

Tama ba Natu ba Kanuma Kao'aobaisiena Wabasiai.
Amen.

Bada, ki nuanuanikai ;
Keriso, ki nuanuanikai ;
Bada, ki nuanuanikai.

Tamakai
Kau baisakari kega ke aurabaikai.

Kega ba goyonai ki taraparanikai. Amen.

Ta na raupari.

TAMAKAI, niko Am yoveyai ki taraparanikai, ba nuanuakai kega si na kairagaraga, ba kau naom ka na pepeta, ba ka na kaobaisiem. Iesu Keriso ama Bada kairavina. *Amen.*

TAMA maragatasakim bainuanuana bitam; yakai ka ne kiokio, ba bapayapayaya siwasiwanisi rautainisi am keta ka i saumarei. Yakai ama roritaini ba ama waina ka i saununuris. Am wona kao'aobaisiesi ka i kawakasekasesi. Saibira ka ta saibira was ka bobaisaubonei ; ba saibira ka ti sinikaikaiei ka saivirei. Kaurikai kega gairena e mamana, Yakai baibaikawakasekase kai ka bi kayosukusuku Bada, saba kom ki nuanuanikai. Asi piraga goyosi te baiavisi was Kom ke boteris. Nuanuasi te nenebirabira was ki taraparanis ; Nanakasike kom pipiya ku kaobaiyoyobani Keriso Iesuai ama Bada. Ba ki bereyana, Tama, Bainuanuana bitam, kona gubanai ba yakai ama piraga si na gaire, ba ka na ma guguba, kam waba kao'aobaisiena ana kadara kairavina. *Amen.*

SALAMO.

BAIAVINA.

TABORA.

PARI DIDIBARAI.

BADA God karakuyona pomai ka daua ba kom ku kai-parikai. Kom ku wona ba mara i rauyasegana. Ama wona ba ama wose goyosi ke kasi'upupunis ; Am wona baba Am 'udura ki beyebeyikai ba ka no'nonoris. Ki baisikai ba Am waina ka na bosisiriei ba kaurim ka na saibira Iesu Keriso ama Bada kairavina ka raraupari. *Amen.*

PARI RABISIAI.

AMA Bada Bainuanuanim, matapa ku wonai piraga goyo 'ipiyisi karakuwata kega si na gae kau sap-ama, ba ku no'onori yakai ere-onoakai piraga goyo 'ipiyikai. Ama pari karaku ke notai, ba Iesu Keriso matapa kairavikai i'tuparatui, kona gubana'i ama piraga goyo ke nota taveyis. Kom ama Taupaumim kama kam ke berikai, gubagubagisi ki yawasis. Pomai ke kaiparikai. Ki beyebeyikai ba ama dudura si na gaire Iesu Keriso kairavina ka rarauparim. *Amen.*

PARI PIPIYA KAU NEW GUINEA TE BIMISINARI
KAIRAVISI.

KA bibabaim, Bada, ba kosi ku orisi was Am Basileia kau New Guinea rakatana kaurina ki gairena kabitamnis, Kanumimi Kao'aobaisienai ki kotis, abanaganagarana'i ke kaiparis, wabawabam gwabinai si ta mana, ki baisis ba Wonam si na bosisira damanis. Ba pipiya warana te no'onori was Wabamai te baiavi was nuanuasi ke tainis, ba ki bereyana ba te nosinosi was kau

yawasa wauna si na bomsiri. Ba Ekalesia 'ipiyisi Australiai raupari ba bere kanumina ke beris, ba baibaiyon-ayonisi pesarisi nike am kau'obaitaura si na riu, ba kan-ukanuma kairavisi ku rabobo was si na bobaitauris, am Tama ba kanuma koa'aobaisiena kos ko mamana was ba ko bi taupauma was God kesana damana. *Amen.*

AMA Bada God, matapa ku kaua ba pipiya ereonoakai kaurim ka ta saibira. Ama piraga goyosi ke nota taveyis Jesu Keriso kairavina. Kanumim ke berikai ba i ni beyebeyikai ba waram ka na nonoris. I ni baisikai ba Satan ana dudura ka ni sinikaikaies. Natum Iesu kibinai ka ti saununura ba kaurim kau sapama ka ta gae ; Iesu Keriso kairavina ka rarauparim. *Amen.*

AMA Bada God dobu wosebibam ama taupaumim jakai natunatum nuanuam ka yauyauni ba kaurikai yam i gaire. Kama kam ki bereyanikai marana ke patepatei; gubagubagisi ki yawasis ; ama kupura ke kaiparis ; kama abia ki gesis ba ka ni yakam. Nikasike matapa ku saivira ba ka i sake ; ke wose damanei ba ka ni kaikaivim. Ama pari Iesu Keriso kairavina ke nosi. *Amen.*

GOD Maragatasakim, ka bi babaim, ba ki bereyanikai ba kaua naina karaku tainakaiai mom ka nonoris was, am baibaita kau nuanuakai i ni baonis, ba tauana gairesi si ni tuvis, kam waba ana kau baikaikaiwa yebo kao 'aobaisiena ; Iesu Kerisoai ama Bada. *Amen.*

2 Cor., xiii.

BAIBAITA ata Bada Iesu Kerisoai, ba God ana nuayauyauna, ba Kanuma Kao'aobaisiena ana baikesanina ere-onoata kaurita si na madamana. *Amen.*

Giu pipiya asi kau duvuna bairiuna ana wose.

Priest i na wona :

ATA Bada Iesu Keriso I wonei, Ta- sheep karikuai, kosi kega niko duvunai ; yau pasika a ta aurabaisi, ba gamoku si na nonori ; ba si na duvu kesana, ba baibai-payapayaya kesana.

God Maragata sakim, pipiya e nene goyo am wona-kabitam ana yasegana ku i mamatarei, ba wose gairena kau ketanina i ta botu mena. Pipya er-onoasi, Keriso ana kau ekalesia kau baikesanina te riuriu ki baisisi, ba te baiavi was, ere-onoasi si ni saununuri ba giu bauna si ni sinikakaiei, Iesu Kerisoai ama Bada. *Amen.*

GOD ere-noasi te tumatumagim baibaitaraparanina, ba kom kega, ba kega kotoi i ta maragata, kega ba kotoi kao'aobaisiena i ta mamana ; am baikayosuku niko pipiyisi kaurisi ki rakatai ba ki pesari ; kom ama bokauta be ama keta baibainaovina. Damanina ba niko sirinai yewo kabitam si na dagui, nanakasike ba muriai wose mamadamanina kega si ni siwani. Niko ke berikai, Tamakai sapamai, Iesu Keriso ama Bada kairavina. *Amen.*

RAUMAMARA.

Priest i na wona i na kau :

Kom giu ke waiwainei kona kega ?

Pipiya : A waiwainei.

Priest : Karaku ku na dagui ba keritiana asi wose ku ni boneboneyisi kona kega ?

Pipiya : A na dagui ma God i na baisiku.

Priest : Ba ke bosaburerei ba ata Bada Iesu Keriso kau kibina ku ni saununuri, ba ku ni tepatora piraga goyosi ku ni gesisi kona kega ?

Pipiya : A na wose rubai, ba God i ni baisiku.

Priest : Giu ke nonori ba ki tainabainega kabitam ba babada te giugunim was, ku na bosisiriei kona kega ?

Pipiya : Kona a na wosei ba God i ni baisiku.

Priest i na wona :

Kona niko wosena gairena kau kamom dagudagunai i na wose koboi, ba Iesu Keriso sirina, ba sirina ku na patepatei kona ana kau nuayauyauna ku na rakata, ba karaku wata ana kau basileia sapamai ku na riu.

N Niko duvuna kau matasi kom a yauyaunim ba ku na giu, Tama ba Natu ba Kanuma Kao'aobaisiena kau Wabanai. *Amen.*

Ta na raupari.

GOD Maragata sakim, pipiya ere-noasi wosewosena ba baibaiyawasisi, ku wonewonekai ba evanelia ka ta raumamarei pipiya ere-noasi kau matasi, ba kosi dobu kau ere-onoasi nuanuasi si ta nebirabira : ka bi babaim, ba nikosi am yarayarakisi ki nuanuanisi, kosi am kau duvu riuna te waiwainei, ba yawasa wonana si na nonori, ba si na bokabitamna meyesi, ba am ekalesia kau duvuna si na riu. Ba ki baisisi ba asi piraga goyosi si na mapumapuwei, ba kwaruma ba etene asi giu kwebuna ere-nonoasi si ni sinikaikaiyisi, ba nuanuasi kaurim si ni nebirabirai. Kanumim Kao'aobaisiena ke berisi, ba i na rauyasegana ba yawasa Kerisoai si na panani, ba ke hobaimaragasisi ba kau sapama kaurim si na gae, Iesu Keriso ama baibaiyawasina kairavina. *Amen.*

GOD Mamadanim, ku waiwainei ba pipiya ere-onoasi si ti yawasa, ba wonam si ta nosi. Nikosi am yarayarakisi, te bi maeresogasogai kau matam, ba maeresogasogai ki genarisi, si kaobaiyoyobana was si na nosi kabitamni, ba giu si ni tainabainegei ba karaku wata

bapataito kau kao'aobaisiena si na botu, ba okoai ba Kanuma Kao'aobaisienai i na tupua, ba ababaitumagina asi kau duvu si na riu, ba kau ekalesia, Natum taranei ku kunekuneye was Kona ama baibaiyawasina, Iesu Keriso. *Amen.*

Baibaita ata Bada Iesu Kerisoai, ba God ana nuayauyauna, ba Kanuma Kao'aobaisiena baikesanina ere-onoata kaurita i na ma damana. *Amen.*

Pari sirinai giu pipiya i na kasibau, Creed kau damona.

PARI GIU PIPIYA KAIRAVISI.

GOD Maragata sakim, ama Bada Iesu Keriso Tamana, Komai Kanuma Kao'aobaisiena Baibaikayosukuna e kasikasibau was. Niko giu pipiyisi ki genarisi, Keriso ana evanelia ka bi tainabaenegei was. Bada nuanua ba kanuma wausi ke berisi, ba wonam si na nonori ba si na bosisiriei. Am kau ekalesia ki riunisi, Bada, ba am pipiya yabata bapataito kau kao'aobaisiena si ni kesanisi, ba wose kao'aobaisiena kau ere-onoasi si ni kesana kabitamnisi; niko a bi babaim Iesu Keriso kairavina, yakai kairavikai i rabobo, kona kom Tama ba Kanuma Kao'aobaisiena yabata kadara ba bokabakabara si na madamana. *Amen.*

PARI NUNUNAI.

Pari bishop au baina.

O GOD am sabisaibirina yapa'ikisi potapotaisi asi Bada baibaikayosukusukum am sabisaibirina ama bishop ki genari kona niko kau dobuna ku bobai-badai; ki naorabei, ki taraparani, ki nuanubai, ki gaireni, ba ki yawasi; ba ki berena ba baitaitai komai kau wonam ba piraga kau gairesi i na rakata, nanakasike ba kena ba duvu kona e potapotai was yawasa kau mamadamanina i na botu; Iesu Kerisoai ama Bada. *Amen.*

Rabisiai.

KA bi babaim, Bada, ba niko gawarina kom ki genarikai, ba abia kana pota ki kwabanisi, am anela kao'-aobaisiesi si na manei, ba nuanubasiai si na potaikai ; ba am baigairena kaurikai i na madamana ; Iesu Kerisoai ama Bada. *Amen.*

BADA Iesu Keriso, God yawayawasina Natuna, kom niko kau rabisina nanakasike kau karawaga ku daua ba nanakasike karawaga ku bobaisiei ba am pipiya asi baipotapota ; kom asi piraga goyosi kairavisi ku nuagoyo, ke berena ba nanakasike yakai nuanuakai si na goyo saki, ba sirinai pipiyikai kau dogu te daudaua kanumikai kom yabata si na mana ; kom Tama ba Kanuma Kao'aobaisiena e mamana ba e bitaupama, God kesana mamadamanina. *Amen.*

BADA, am abamamanai kau sapama ki genarikai, niko pomnai am kadara sapamai ki yaseganei, ba yasegana natunatuna baidibara ana wose ki momosi ; Iesu Kerisoai ama Bada. *Amen.*

GOD, baibaikayosukum kaurikai ke mana ba niko pomnai kawakawapotaikai ke potaikai, ba yakai bai-baisinikarikarikai niko dobuna naenaesi ana bainuagoya nununai kairavina tam, Mama kikisim, kaurim nuanubakai ka na daua ; Iesu Kerisoai ama Bada. *Amen.*

BADA, niko yawasina kau baibainuapoyona ki baita damanikai, ba kaiwaku i na veoroma, ba mara i na nuba ba dobu sabisaibirina i na ma guguba, yawasa ana nuapoya i ni kakabei ba asi saibira i na kakaba. Kona sirinai, Bada, baibaikayosukum, abamamana gairena ke berikai abayataveyana kao'aobaisiena, ba nuagaire kau pusirina ; Iesu Kerisoai ama Bada. *Amen.*

Missions au bai.

GOD Kom pipiya asi dam ere-onoasi tara kesaninai ku wosei ba dobu naona si ta manei, ba Natum Baibaigairenina, Iesu Keriso, ku i pora gakirai ba rom i ta raumamarei kosi kaurisi kau rabaraba mamanisi ba

kosi kaurisi a mama gwabisi ; ki amberena ba dobu pipiyisi ere-onoasi i na gwamgwammim ba si na pananim, ba ki yagiyagina, Bada, am kaobaiyoyobana ke wose koboi, ba bio ere-onoana kaurina kanumim ke sewai ; Iesu Kerisoai ama Bada. *Amen.*

Pari pipiya kau New Guinea te bimissionary kairavisi.

KA bi babaim, Bada, be kosi ku orisi was am Basileia kau New Guinea rakatana kaurina ki gairena kabitamis. Kanumim Kao'aobaisienai ki kotis, abanaganagarana ke kaiparis, wabawabam gwabinai si ta mana, ki baisis be wonam so na bosisira damanis.

Ba pipiya warana te no' onori, Wabamai te baiavi was nuanuasi ke tainis, ba ki bereyana ba te nosinosi was kau yawasa wauna si na bomsiri.

Ba Ekalesia pipiyisi ere-onoasi Australiai ba kau New Guinea ba dobu kau bausi pari kanumina ba berena kanumina ke beresi ; nanakasike ba baibaiyonayonisi pesarisi nike am kau bobaitaura si na riu, ba kanumakanuma kairavisi ku rabobo was si na bobaitauris, kom Tama ba Kanuma Kao'aobaisiena kos ko mamana ba ko bitaupama damana. *Amen.*

Baikesanina kairavina.

BADA, Iesu, Keriso, Kom am Apostles ku wonisi, ku kau, Rom Kaurimi a bi saumara taveyei ; aku rom a bereberimi ; ama piraga goyösi ke kitai baigaruisi, ba am ekalesia kana baiyapaikina ke nosi, ba kona romna ba baikesanina ke berei am waina e bi damaninei was nanakasike ; Kom ke mamana ba ke bitaupama Tama ba Kanuma Kao'aobaisinena yabata, God Kesana mamadamanina. *Amen.*

Yaroterena ipiyisi kairavisi.

GOD, kom Natum Iesu Keriso ana giuai nonorayauna ku bokabitamnisi Baibainuanubana botuna kairavina : Am yarayaraka kanumisi ba nuanuasi ke bokabitamnisi ka bi babaim, kosi niko sirinai yaroterenai asi puyo

Kanuma Kao-aobaisiena te nuvenuveni, ba asi nuabira-birai ba yapaikisiai si na msiratu ba baimaragata Godai kosi si ni bonuvisi ; konai Iesu Kerisoai ama Bada. *Amen.*

Kiruma ipiya kairavisi.

TAMAKAI sapamai, Natum baibaigairenina i wona, i kau : Pipiya gunaguna kega ko ni gesisi, ba kauriku si ta botu : Kiruma babada ba kiruma i'piya ere-onoasi ki gairenisi ; ke amberena ba pipiya nuanuasi nanakasike kuirai e yaseyasegane was nananasikena Kanumim Kao'aobaisiena marana i na patepatei kanumisi i na taini, ba Kom ba Natum ama Baibaiyawasina nuanuasi i na yauni. *Amen.*

Pipiya kau Boga Mamanisi Kairavisi.

BADA God, Mamadanim, kom ikesim siri potapota, ba boga yoyona badana ; ere-onoasi wakai kau boga te gegae, ba asi saibira boga kau kaikapona e sabisaibirei am yagaireyai si na mana. Pipiyisi ba kanumisi ke potaisi ; asi saibira ki gairenisi ; abanagara kau sirina ki taraparanisi, ba kau abaota te nene was ke aurabaisi ; Iesu Kerisoai ama Bada. *Amen.*

God ana baigairena dobu pesina ba pipiya asi saibira kairavisi.

GOD Maragata sakim, kom dobu ku i gaireni ba i ta ua ba ere-onoana pipiya asi abayawayawasa kairavina si ta mariyei ; Baobaosi asi saibira ki gairenisi, ka bi babaim, ba siri gairena ke berikai ba dobu uana ka ta utubaitaura, ba am baigaireyai ka ni nuagairei, kam waba bokabakabarinai, Iesu Kerisoai ama Bada. *Amen.*

Baibaine asi duvu kairavisi.

O GOD, ba ama bada Iesu Keriso Tamana, komai ambaitamana ere-onoasi kau sapama ba kau dobu i wabei ; Ke amberena ba tabitabinesi ere-onoasi nunusia si ni nuayauyauna bibirana. Kom nuanuasi ke yauna

kabitamnisi ba nanakasike natunatusi am nuayauyaunai i ni rakatai. Ba yegeyegesi ere-onoasi ke berisi, a bi babaim, ba Mary Baibaigairenina ana wose gairesakina si ni bonebonei, ba kau kibina si ni saununura damanei; konai wasikeyai i tupua Iesu Kerisoai ama Bada. *Amen.*

Raboraobosi Bada kaurina kairavisi.

GOD Maragata sakim, pipiya ere-onoasi kanumisi asi God ; kosi kaurisi Iesu yabata yasi te rauriri am nuayauyauna baibaigairenina ki peasari, ba saibira gairena kau kamosi ku dagudagui was i na wose roboisi ba Iesu ana kau siri : ba baibaikayosukusukum, Tamakai sapamai, ke berena ba yakai karaku niko kau dobuna kaurim ka bi yaraka, kau pusirina kosi yabata gairekai i na pananikai ba kao'aobaisiesi kau yasegana mamadamnina ka ni buderiei ; Natum Kairavina, Iesu Keriso, ama Bada, ba ama Baibaiyawasina. *Amen.*

Pari kau naona i baiyavi was kau murina.

BADA, kau kamokai kom ku saibisaibirei ke nosi, ba kega yakai ka wosewosei was ; ba nanakasike kom yakai ku oreorikai, ba kaurim ka ti yaraka ke wosikai ba yakai ama saibirina kairavina, gairekai ka na mana ; Iesu Kerisoai ama Bada. *Amen.*

BASUNA (Index).

Subjects :	No.	LENT.	No.
Kom gairem, Tamakai . . .	1	Kau kupuramom ku nae . .	32
Iesu i Kausaniku . . .	2	Am kau yove ke ne mena . .	33
Warana wadubona . . .	3	Kom Kerisiana . . .	34
Ta na tabora, Iesu . . .	4	Am Korose ke kabari . . .	35
Noi, turata, matakira . . .	5	Ke bi sinikarikari . . .	36
		Iesu niko maranai . . .	37
MORNING.		THE PASSION.	
Tamaku pomna Kesana . . .	6	Rabaraba koyonaikei . . .	38
Kao didibarai i gae . . .	7	Iesu ta ni kaivi . . .	39
Mara i tom ba ata God . . .	8	Sina Kao'aobaisiena . . .	40
Pipiyiku, ke bomsiri . . .	9	Komi ko botu, ta na tou . .	41
Marana ta patepatei . . .	10	Korose a kitakitai . . .	42
Bada, Kaurim ka botu . . .	11	Rabisiai si toutou nae . . .	108
		Emmanuela tarana . . .	111
EVENING.		EASTER.	
Iesu ki tainabainega . . .	12	Bada Iesu i yawasa . . .	43
Matapa ta-rabisiai . . .	13	Aleluia, Karaku ta na tabora	44
Bada, Kauriku ke yoveboa . .	14	Tabora ta na ravi . . .	45
Bada, dobu ba sapama . . .	15	Iesu e yawasa mom . . .	46
Niko mara turina . . .	16	Bomsiri kau didibarai . . .	114
Kaoai ku bopaparikai . . .	17	ASCENSION.	
Kanumiku ana Kao . . .	18	Aleluia, i bomsiri . . .	47
Bada ke nosikai . . .	19	Gayama i raudeboro . . .	48
Marana i nuba . . .	110	Kaiwa niko marana . . .	115
God bogegeya kom kaurim . .	112	Kaidamonai ku gae . . .	116
SUNDAY.		WHITSUNTIDE.	
Kaurim ka botubotu . . .	20	Kaurikai ke botu, Bada . .	49
O Baiyakam gairena . . .	21	Akaiyoari Iesu . . .	50
		Suara ku berikai . . .	51
ADVENT.		TRINITY.	
Okoa Jordan gwabinai . . .	22	Ka ta Kaobaisiem, God wose	
Noi e wona, ke nonora . . .	23	bitam . . .	52
Iesu i na botu mena . . .	24	Kom, Tonu ba kesana . . .	53
Am basileia, God . . .	25	Tama Sapamai ikesim . . .	54
CHRISTMAS.		SAINTS' DAYS.	
Kerisiana ko ni nuagaire . .	26	God Matanai pesarisi te	
Pomainaki pota bitas' . . .	27	tabotabora . . .	55
Sapama Kaikorotona . . .	28	God Natuna e bi owa . . .	56
Sirinai Mary Keriso . . .	105	Am pipiya si nosi kabitamni	57
God kau kaidamona . . .	119	God ana Kao'aobaisies' . .	58
		Martyr ana mabainega . . .	107
EPIPHANY.			
David natuna Bada . . .	29		
Bada niko dobu . . .	30		
Keriso i ni Taupauma . . .	31		

HOLY COMMUNION.

		No.
Bada kega ka kinanim . . .	59	Matapa ama baibaita . . . 79
Bada kega damaniku . . .	60	God ana Arini! . . . 80
Kom Baibaiyawasim . . .	61	Kanumiku ke nosi . . . 81
Iesu ama Baibaiyawasim . . .	62	Iesu monikina . . . 82
Tamakai, natunatum karaku . . .	63	Iesu kau wabana . . . 83
Aleluia! Eno! Iesu! . . .	64	Am basekwa sapamai . . . 84
Tama nuayauyauna nosinai . . .	103	Jesusalem aku yove . . . 85
Bada soramina . . .	113	O Iesu, ku msimsiri . . . 86
Iesu ko pepetei . . .	118	Keriso matapa . . . 87

BAPTISM.

Iesu ana Koroseyai . . .	65	Kom sipu pota bitam . . . 88
--------------------------	----	------------------------------

CONFIRMATION.

Iesu yakai karimiai . . .	66	Natunatusi Iesu Kaurina si botuvis' . . . 89
Nuanuaku karaku . . .	67	Kairaviku ko kasibau . . . 90
Kanuma Kao'aobaisiem . . .	68	Komi Bada kau naona . . . 91
A kaobaiyoyobani . . .	69	Baiyawasa bitana . . . 92
Ki abia kabitamni . . .	70	God Taupaumina sapamai . . . 93
Bainao bitam, ke nosiku . . .	71	Ata Bada Iesu . . . 94

MARRIAGE.

Matapa baoai Eden . . .	72	Ekalesia buna . . . 95
-------------------------	----	------------------------

BURIAL OF DEAD.

Saibira i kakaba . . .	73	Tamakai mamadamanim . . . 96
------------------------	----	------------------------------

GENERAL.

Iesu au Bada, opaku . . .	74	(For those at sea)
Rom kariteiai, niko kau dobuna . . .	75	Si tabora roboi . . . 97
Kaurim a ta botu . . .	76	Kadara pesarina . . . 98
Kom ama keta ikesim . . .	77	Am gawara O God . . . 99
Baibainuayauyaunim . . .	78	Karaku ata God . . . 100

BASUNA (Index).**TABORA ASI PARATA KESANA**

A kaiyoari Iesu . . .	50	Ata Bada Iesu . . . 94
A kaobaiyoyobani . . .	69	Bada dobu ba sapama . . . 15
Aleluia! Eno! Iesu! . . .	64	Bada Iesu i yawasa . . . 43
Aleluia, i bomsiri . . .	47	Bada kauriku ke yoveboa . . . 14
Aleluia karaku ta na tabora . . .	44	Bada kaurim ka botu . . . 11
Am basekwa sapamai . . .	84	Bada kega damaniku . . . 60
Am basileia, God . . .	25	Bada kega ka kinanim . . . 59
Am gawara O God . . .	99	Bada ke nosikai . . . 19
Am kau yove ke ne mena . . .	33	Bada niko dobu . . . 30
Am korose ke kabari . . .	35	Bada soramina . . . 113
Am pipiya si nosi kabitamnim . . .	57	Baibainuayauyaunim . . . 78
		Bainao bitam, ke nosiku . . . 71

Baiyawasa bitana	92	Ki abia kabitamni	70
Bomsiri kau didibara	114	Kom ama keta ikesim	77
David Natuna Bada	29	Kom Baibaiyawasim	61
Ekalesia buna	95	Kom gairem Tamakai	1
Emmanuela tarana	111	Kom Kerisiana	34
Gayama i raudeboro	48	Kom sipu pota bitam	88
God a bi geruvei yawana	106	Kom Tonu ba Kesana	53
God ana Arini	80	Komi Bada kau naona	91
God ana kao 'aobaisies'	58	Komi ko botu ta na tou	41
God bogegeya kom kaurim	112	Korose a kitakitai	42
God kau kaidamona	119	Kupura gairena	104
God matanai pesarisi te tabotabora	55	Mara i tom, ba ata God	8
God Natuna e bi owa	56	Mara kau birabirana	109
God Tamana, Natuna	101	Marana i nuba	110
God Taupaumina sapamai	93	Marana ta patepatei	10
God Tonu ba Kesana	102	Martyr ana mabainega	107
Iesu ama Baibaiyawasim	62	Matapa ama baibaita	79
Iesu ana Koroseyai	65	Matapa baiai Eden	72
Iesu au Bada opaku	74	Matapa ta rabisiai	13
Iesu e yawasa mom	46	Natunatusi Iesu kaurina si botuvis	89
Iesu i kausaniku	2	Niko mara turina	16
Iesu i na botu mena	24	Noi e wona, ke nonora	23
Iesu kau wabana	83	Noi Turata matakira	5
Iesu ki tainabainega	12	Nuanuaku karaku	67
Iesu monikina	82	O Baiyakam gairena	21
Iesu niko maranai	37	O Iesu ku msimsiri	86
Iesu ta ni kaivi	39	Okoa Jordan gwabinai	22
Iesu yakai karimiai	66	Pipiyiku ke bomsiri	9
Iesu ko pepetei	118	Pomai naki nota bitas	27
Jerusalem aku yove	85	Rabaraba koyanaikai	38
Kadara pesarina	98	Rabisiai si toutou nae	108
Kaidamonai ku gae	116	Rom kariteiai, niko, kau dobuna	75
Kairaviku ko kasibau	90	Saibira i kakaba	73
Kaiwa niko marana	115	Sapama kaikorotona	28
Kanuma Kao 'aobaisiem	68	Sina kao 'aobaisiena	40
Kanumika ke nosi	81	Sirinai Mary Keriso	105
Kanumiku ana Kao	18	Si tabora roboi	97
Kao didibara i gae	7	Suara ku kerikai	51
Kaoai ku bopaparikai	17	Tabora ta na ravi	45
Karaku ata God	100	Tama nuayauyauna nosinai	103
Ka ta kao-aobaisiem	52	Tama sapamai ikesim	54
Kau kupuramom ku nae	32	Tamakai, am baigairena	117
Kaurikai ke botu Bada	49	Tamakai mama damanim	96
Kaurim a ta botu	76	Tamakai natunatum karaku	63
Kaurim ka botubotu	20	Tamaku pomna kesana	6
Ke be sinikarikari	36	Ta na tabora Iesu	4
Kerisiana ko ni nuagaire	26	Warana wadubona	3
Keriso i ni taupauma	31		
Keriso matapa	87		

TABORA.

1 S. & S. 17.

Kom gairem, Tamakai ;
Pari ke nonori ;
Kama Kam ku berikai ;
Yakai ka bi kaikaivim.

Kom gairem, Keriso,
Pari ke nonori.
Yakai pipiya goyokai ;
Kom ku ti yawasikai.

Kom gairem, Kanuma,
Pari ke nonori.
Yakai maruapikai
Kom ki beyebeyikai.
Amen.

2 S. & S. 72.

Iesu i kausaniku.
Iesu i kausaniku.
A na wona damana,
Iesu i kausaniku.
Aleluia, ta na tabora ;
Aleluia, Iesu.
Aleluia, ta na tabora ;
Kwainata Iesu.

Iesu Wonana,
Iesu Wonana,
Nonora a waiwainei,
Iesu Wonana.

Bada Tamaku,
Bada Tamaku,
E bi nuayauyauna,
Bada Tamaku. Amen.

3 S. & S. 14.

Warana wadubona,
Ke wonaberiku ;
Au Baibaiyawasina
Sapamai i botu.
Ke wonabaikikima ;
Pepeya rautainina
Yauku a takotako
Kamoku i puda.

Warana wadubona,
Warana wadubona,
Warana wadubona,
Ke wonaberiku.

Ke wona baikikima ;
Ba a na nonori ;
Puyobunua gairena
Kona i terei was.
Yauku a notawapei
Ke baiaua damanei
Keriso God Natuna
Baibaiyawasina.

Warana wadubona,
Warana wadubona,
Warana wadubona,
Ke wonaberiku.

Wabana ke baiavi
Sirinai a ta tou,
A ti kawakasekasei,
A ti nuabado ;
Rabobo kau marana
Ke baiaua meyei,
Notana a na wainei,
I ni sisiriku.

Warana wadubona,
Warana wadubona,
Warana wadubona,
Ke wonaberiku. Amen.

4

Ta na tabora Iesu ; Sapa-
mai i gakira ;
Ata Bada Iesu.

Aleluia, Iesu; Kairavita i
rabobo ;
Aleluia Iesu.

Ta na tabora Iesu; I tupa-
ratui ;
Ata Bada Iesu.

Ta na tabora Iesu ; Kau
Sapama i gemena ;
Ata Bada Iesu.

Ta na tabora Iesu ; Kona
i yawasita ;
Ata Bada Iesu. Amen.

5 S. & S. 1.

Noi turata matakira
Te kotokotoi.
Ata Bada karaku
E msimsiratui.

Ko na mana, A botu-
botu.

Iesu i wona.
Kota ta na kaobeyei,
Damanina Bada.

Satan Baibaiyabiyina
I ni owa.

Pipiya mom si na peku ;
Ta ta ma kaba.

Ata flag e botubotu ;
Gisuma i tou.
Bada Wabanai Satani
Ta ni gesei.

Bada Ana baibaita
I na berita ;
Ba ta ni maragata,
Kona Yabata. Amen.

6 A. & M. 5.

Tamaku pomna kesana
A i yakam kabitam
Yasegana kairavina
Wabam i na gaire.

Karaku mara kau wauna
A berebaiwauku
Ba yebo ke waiwainai was
Yauku a ta mana.

Awa'i a ta wosei yebo
Awa'i a ta wona
Kadarim a ta nuveni
Iesu kau Wabana.

Tamaku kona gubanai
Kom ki gaireniku
Am baibaitai ki naoviku
Keta kau gairena. Amen.

7 A. & M. 331.

Kao didibarai i gae, kaoai
i na raranita,
Rabisiai i na yori, yewona
i na kakaba.

Badana kao i terei, saibira
i ta saibirei ;
Wonana e no'onori, kega
i ta totoyana.

Badana Wosebitana, e
bi beyebeyita,
Ata keta i naovita, kota ta
to yewo neubua.

Kau naona ta na raupari,
karaku i ni baisita ;
Bada ta ni siniravi, ba i
na bopaparita.

Yata kega si ta gisi, ba
kega ta ta kwaruma;
Kega ta ta wona goyo,
damanina ta na wona.

Badada si na kauvita, ta
na bosisirisi ;
Ta na kiruma kabitam ;
nanakasike saibira.

Dobu kota ta mamana,
dobu Bada i berita ;
Kota ta ni siniravi; Sapa-
mai i na terita.

Amen.

8 A. & M. 1.

Mara i tom, ba ata God
Ta ni baba saburere,
Kau goyogoyona yebo
I ti taraparanita.

Pepeta i ti gesisi,
Dadaura i ni butui ;
Kamota i ni gairenis,
Gairena wata e mana.

Saibira i na kakaba,
Kao i na tainayabui ;
Yebo God ta ni kadari,
E bi taraparanita.

God, ka bokabakabarim,
Tama, yebo Natuna Kom,
Ba Kanumina yabata,
Kesana, Mama Damanim.
Amen.

9 A. & M. 3.

Pipiyiku, ke bomsiri
Ba kao sapamai ke kitai
Am baiyakam ki kakabi
Ba am raupari ke nosi.

Am dudura i ta gaire
Me'o marana ku na nae ?
Gubana i ke ma kabitam,
Ba God kaurina ku na
gae.

Ke bi sisia kabitam
Baisauwona damanina;
Ke nosi God kaidamoai
Wose dobuai e kitai.

Anela kos Badana God
Ke bo'okabakabari,
Anela kaoai ba pomai
Ana tabora te ravi.

Dobu tupana, Buna God
Ba kona ta ni kaikaivi,
God Tama, Natuna yebo
God Kanumina yabata.
Amen.

10

Tune, A. & M. 50.

Marana ta patepatei
Didibarai ta bomsiri;
God ere anuanuana,
Pomai e kaikaiparita.

Gairesi Kabakabaisi
Kona e beriberita ;
Goyona ta ta naveyei
E bi sinikaikaiei was.

God ana ketai ta ta nae,
Ba ta ta kaibosisiri,
Nikasike puyomina,
Gairena ta na panani.

Saibira mom God kaurina
Ta na saibira kabitam ;
Bage Wawana, dobuai
Kau sapama ta na gegae.

O Bada ka raupariyim,
Karaku ke bi baisikai,
Saibira i na kakaba
Ba kom kaurim ka ni
yakam. Amen.

11 A. & M. 6.

Bada, kaurim ka botu,
Ka bokabakabarim ;
Kaona Kom Ku berikai,
Matamai ka ta terei ;
Kaoai ka ta kainosim,
Bada, ke bi baisikai.

Awa'i i na tupua was
Keriso ki gaireni,
Nuagoyo, gubaga,
Kom ikesim Kaiwabo ;
Ke bi porai, ka potaim,
Baibaiyawasina Kom.

Kom maramaragasim
Nosinosi damanim ;
Ba matakai si goyo
Ku ta auraurabaikai,
Ki nuanuanikai,
Ke msibira kaurikai.

Ke nonora Keriso
Yam i gaire ka nosi
Ke bokabitamnikai,
Ka ti nuayaunyaunim,
Kaoai bayebo pomai
Kaurim ka ta mamana.
Amen.

12

Tune, "Rousseau's Dream."

Iesu ki tainabainega,
Pomai kom ki dauvikai ;
Kau matam ka raraupari ;
Nike ke kaiparikai.
Matam kega si na pota ;
Baidibara ke kitai.
Ama Baibaiyawasina,
Karaku ke msiratuikai.

Aneanela ki poraisi
Nike si na potaikai.
Satani si na kwabini
Kega ka na nagarei.
Kaoai ku bopaparikai,
Ka bokabakabarim
Am kau dobu ka ta botu,
Baibaita ka ni babaim.
Amen.

13 A. & M. 20.

Matapa ta-rabisiai
Kaurim, O Bada, si' duvu ;
Gubagubagis si botu,
Yawayawasis si benae.

Naina karaku tamarai
Yakai gubagubagikai.
Bada, kaurim ka msiratui,
Ke bi yawayawasikai.

Tasi te gubagubaga,
Ba tasi si' nuagoyo,
Kega si' nuayauyaunim,
Tasi si' sinikaikaiem ;

Te bi yakam resoreso
Ere wosesi goyosi,
Bainuayauyauna bitas,
Te kumakumaiga meyis.

Bada, Kom God ba
Pipiya ;
Ku i siniraua kabitam
Ku kita neubuikai,
O Baibaiyawasa bitam.

Ba Kom am wose mama-
nis
Am wona maragasina ;
O Bade ke nonorikai,
Ba ki yawayawasikai.
Amen.

14 A. & M. 27.

Bada, kauriku ke yove-
boa ;
Baidibarai ke bopapariku ;
Baibaita mom kega e
mamana ;
Bada, ke yoveboa daman-
iku.

Mara ruamo mom a na
mana ;
Niko abakadara e nena ;
Kesanina ku mamada-
mana ;
Bada ke yoveboa daman-
iku.

Kauriku kom ke mamada-
mana,
Nike au keta ki naoviku.
Kau baisakarina ke potai-
ku ;
Bada ke yoveboa damani-
ku.

Kauriku Am baibaita e
mana,
Abia kega a ta nagarei.
Rabobo ku i owa kabitam ;
Bada ke yoveboa daman-
iku.

Niko dobuna a ni sau-
marei,
Ba koros a na kita kabi-
tamni :
Am kau yove ke aurabai-
ku ;
Bada ke yoveboa daman-
iku. Amen.

15 A. & M. 26.

Bada, dobu ba sapama
Ku wosesi.
Kao saibira kairavina
Ku berikai.
Anela pota bitasi
Si ti taraparanikai,
Ki daua kabitamnikai
Baidibarai.

Bada yakai ke kaipara
Damanikai,
Sirinai ka na rabobo
Ke potaikai.
Bada, baibuibuiyai
Kega ku ti saumarikai,
Kau kadara ke terikai
Gwabimiai. Amen.

16

A. & M. 21, 2nd Tune.

Niko mara turina
Ku bereberikai.
Ba Iesu niko pomai
Kom ki gairenikai
Iesu Kom ki genarikai
Ba ki taraparanikai.

Saibira i kakaba,
Ka kaobaigaegaenim ;
Pomai abagairena
I ta ma kabitam.
Iesu Kom ki genarikai
Ba ki taraparanikai.

Amen.

17 A. & M. 25.

Kaoai ku bopaparikai,
Karaku ka ta daua,
Pomai ke beyabeyaikai,
Abia kom ki gesis ;
Iesu, Kom ke potaikai
Ba Kom ka na tumagim.

Wagawagakai kau dobu
Ba abia kaurikai ;
Abanaganagananai
Ki taraparanikai ;
Ba nimei ka na ne was
Kom kaurim ka ni yakam.
Amen.

18 A. & M. 24.

Kanumiku ana Kao
Kom aku Baibaiyawasim.
Bagunai guba dobuai
Kauriku i ti buneyim.

Sirinai a na daudaua
Niko wata a na nosi ;
Ba kom kaurim a ta mana,
A ti yakam saburere.

Kauriku ku ta yoveboa,
Kega ba a ta ma kabai ;
Ba Kom kega, ba rabobo
A na nagara saburere.

Gubagubagis ke potais ;
Pipiya gomagomarisi kos,
Am baibaitai ki mariyis ;
Toutousi ke kasibainuba-
is.

Sirinai ka na bomsiri
Ke botu, ki gairenikai ;
Ba Sapama kaidamonai
Kaurim ka na ma damana.
Amen.

19 Vesper.

Bada ke nosikai,
Ke bopaparikai,
Anela si na potaikai,
Ba mara i na tom.

20 A. & M. 225.

Kaurim ka botubotu
Bada, niko mara ;
Ke botu ba Am pipiya
Ke nosi kikisi.

Ama piraga goyo
Ke nota taveyei ;
Wonam ka na baiavi ;
Ki beyebeyikai.

Ba, Bada, am Kanuma
Kaurikai ki porai.
Keta Baibainaovina,
Ba i ni baisikai. Amen.

21 A. & M. 3.

O baiyakam gairena,
Baimorumorubim ;
O Mara yasegana,
O Nimonimorim ;
Anela Morapisi
Te tabotabora,
Ba Trinity kesanai
Te kao'aobaisiei.

O Mara pusirinaï.
I rauyaseganei ;
Marana kesaninaï
Bada i bomsiri ;
Bayebo kom maramai
Kanuma i'porai ;
I bi gairena sakim
Bada ana mara.

Dam ere-onoasi
Te notunotua,
Ba God te bi kaikaivi,
Te raraupariei,
Ba ana Waragaire
Si' tainabainegei
Asi bainuagaire
Baimorumoruba.

Baiyakam maimaituai
Ta ni kakabei was,
Kau mamadamanina
I ni riunita.
Kanuma ta i kaikaivi,
Tama, ba Natuna,
Ba Trinity Kesanai
Ta tabotabori. Amen.

22 A. & M. 50.

Okoa Jordan gwabinai
Pipiya i raumamara ;
Ko na bomsiri; warana
Gairena ko na nonori.

Taupauga e botubotu ;
Ketà ta na bobunagi.
Sineta ta ni gaireni,
Ana gawara gubanaï.

Ama Baibaiyawasa Kom;
Yakai ke bopaparikai;
Baibaita kega kaurikai,
Ba ka ta wose goyosi.

Pipiya asi goyosi
Kom ke nota taveyisi
Ba kega, ba Am kadara
I ni nuagairenisi.

Natu Mama damanina
Ke botu ke tombaunikai.
Am kadara ka na kitai
Ba ka na kaobaigaegae-
nim. Amen.

23 A. & M. 47.

Noi a wona, ke nonora,
Bada e msimsiratu.
Didibara meumeuna
Kaoai ki garukirei.

Wona ki tainabainegei,
Ke bosaburere mom ;
Keriso Yaseganina
Sapamai e rakata.

Matapa si potapotai
Ta na botu kaurina,
Ata piraga goyosi
I na nota taveyis.

Ta-sirinaï i na botu
Ere ana kadara,
Kota i ni yauyaunita
Ere nuanuana.

Baigairena, Baikaikaiwa,
Yebo Baimaragata,
God kaurina si ta mana
Dobuai ba Sapamai.
Amen.

24 A. & M. 51.

Iesu i na botu mena
Kona guba yabata ;
Baiyawasita gubana
I rabobo nuanai.
Ko kinani, ko kinani,
E botubotu mena.

Aneanela yabata,
E botubotu mena ;
Asi gisuma yabata,
Te bo'okabakabarei.
Aleluia ! Aleluia !
E botubotu mena.

Kom abia pesarisi
Yabata si' gigimim,
Sirinai Kom ke gakira,
Si na kita taveyim.
Si na toutou, si na toutou,
Ere nuakiroro.

Am pipiya pesarisi
Si na kosi kabitam
Yaroyarom si na kitais
Si na kaobaigaegaenim
Aleluia ! Aleluia !
Tabora si na taborei.

Damanina pesarisi
Si na utukeikeim ;
Asi Baibaiyawasina
Si na kaobaigaegaenim
Basileia, basileia
Ikesim ki taupaumei.

Amen.

25 A. & M. 217.

Am basileia God
Nike i ta botu ;
Keriso ki bada
Goyona ki gesei.

Rom, Nuayauyauna,
Ba monamonana,
Meyana dobuai
Si na ma damana.

Meyana baiowa
Ba piraga goyo
Ba bosekwa yebo
Si na mabaigaru ?

Bada ka bi babaim
Ke msiri, ke botu ;
Yakai ka na kitaim
Ba ka na yawasa.

Pipiya goyosi
Kom te bi gigimim
Am payapayaya
Te bi baubauranis.

Ere-onoanai
Baidibarai wata ;
Maragios ke gae
Ku na mayori kos.

Amen.

26 A. & M. 59.

Kerisiana ko ni nuagaire
Kau Bethlehem kota ta ta
nae

Niko maranai Iesu i
tupua.

Ta ni baikaikaivi ; Ta ni
baikaikaivi,

Ta ni baikaikaivi, Keriso.

God Damanina, Yase-
ganasaki,
Mary kaurina .i'pipiya
mom.

Mamadamana, Taupau-
mina saki
Ta ni baikaikaivi ; Ta ni
baikaikaivi,
Ta ni baikaikaivi, Keriso.

Aneanela, tabora ko na
ravi
Komi Sapama biyimi
yebo !

God kaidamonai ta ni
kadari.

Ta ni baikaikaivi ; Ta ni
baikaikaivi,
Ta ni baikaikaivi, Keriso.

Kaiwa Bada, karaku ku
tupua,

Iesu, ka na bokabaka-
barim ;

Tama Wonana, ba bio ku
kotei.

Ka ni baikaikaivim ; Ka ni
baikaikaivim ;

Ka ni baikaikaivim,
Keriso. Amen.

27 A. & M. 62.

Pomainaki pota bitas
Si' payapayaya,
Baiyonayona bitana
Kau dobu i botu.

Ami nagara bagunai
Anela i wona,
Warana monamonasi
A botubotuvei.

Naina karaku kaurimi
Baibaiyawasina
I tupua, God Keriso :
Niko ami boka.

Pipiyaike ko panani
Komi matamiai,
Ere garana sumana
Ba kamkam kamonai.

I wona ; ba ta-anela
Si rerematara,
Ere kadarisi yebo
Si tabotabora,

God ata King kaidamoai ;
Kadara kaurina :
Bayebo nike tanoai
Rom i na mamana.

Amen.

28 A. & M. 60.

Sapama kaikorotona
Potapota is si kitai ;
Kwapuai Iesu taborai
Anela si taborei.

Bada dobuai i botu,
Kona e bi gairenita ;
Rom kaurita i botu ;
Iesu ta nosinosi.

Anela si tabora,
Keriso i tupua.

Kau Sapama si pepeta
Keriso kau naona ;
Sirinai e gaigakira,
Yegeyege Natuna ;
Ba kona erebiona
Kau dobuna i'pipiya ;
Rom badana i botu ;
Ta na kaobaigaegaeni.

Anela si tabora,
Keriso i tupua.

Eno ! Eno ! Rom Badana,
Eno ! Eno ! Keriso ;
Yasegana ba Yawasa,
Kaurita i botuvis ;
Kadara i ne taveyei,
Yebo biota i yauni
I ta bobaimsirita,
Ta ta tupua bira.
Anela si tabora
Keriso i tupua.

Amen.

29 A. & M. 219.

David Natuna Bada
Ta ni baikaikaivi,
Sirina i na binei
I na botumena.
Ba patupatunisi
I na tombaunisi ;
Baibada kabitamna
I na madamana.

I ni taraparana,
Ba i ni baisita ;
Ba tou i ni tabora
Botuna gubana.
Matapa i rabobo,
Kau Sapama i gae.
Gawara monikina
E bokabitamni.

Kaikaiwabo Taupauma
Si na utukeikei ;
Ba ere-onoata
Ta ni baikaikaivi,
Taupauma ikesina
Mamadamanina,
Yabata ta ta mana
Ta raraupariei. Amen.

30 A. & M. 360.

Bada niko dobu
Ku wosewosei was,
Ku nosikai ;
Ba Evanelia
Erekadarina
I ta yasegana
Kairavikai.

Kom niko dobuai
Ku no'onori was
Pari ba tou,
Matapotapotais
Ke bobaikinanis ;
I ta yasegana
Kairavikai.

Kanuma Tamana
Manu rautainina
I berei was ;
Kau dobu ke botu,
Kibe ke raukasi ;
I ta yasegana
Kairavikai.

Tama ba Natuna,
Kanuma yabata,
Kaobaisies ;
Tonu ba Kesana,
Ere-onoanai
I ta yasegana
Kairavikai. Amen.

31 A. & M. 220.

Keriso i ni Taupauma
Dobu ere-onoanai ;
Ba ana abamamana
Kona i na ma damana.

Pipiya si na pesara
Ba kesianina tabora ;
Gunagunasi yabata
Wabana si na karasi.

Kau dobu yana i gaire ;
Ba pipiya si ni yakam ;
Patupatumis uramai
I na tombauna taveyis.

Ata Taupauma Keriso
Kaurina ta na tabora ;
Aneanela yabata
Ba dobu nanakasike.
Amen.

32 A. & M. 92.

Kau kupuramom ku nae
I kesim ku mamana ;
Mara 40 ku i sia,
Satani ku i gesei.

Kao i rarabunuim,
Nuba i sewasewai ;
Akima kunuana,
Ba tano Am mamana.

Iesu Kom kairavikai,
Ku i nuagoyo ;
A ni sia rautainim ;
A na raupari yepo.

Satan nike kaurikai
I ta botu rubai ;
Ba Kom ku ti baisikai,
Ba ka na maragata.

Nikasike Am romna
Nike i na tupua ;
Anela si na botu
Yakai si ni kaisikai.

Iesu Kom ke potaikai,
Kau gwabimi ka na mana
Ba Easter kau Marana
Ka na nosidamanei.

Amen.

33 A. & M. 628.

Am kau yove ke ne mena ;
Kega ki saumarei ;
Tamam e oreorim ;
Kaurina ke botu.
Kom ke botu.

Am yove ku i saumarei,
Baumiai ku mana ;
Ku bi kayosukusuku ;
Soya ku rabobo.
Kom ke botu.

Karaku ku ta bomsiri ;
Tamam e kau'auvim ;
Kega i ni sinikainim ;
Kaurina ke botu.
Kom ke botu.

Tamam yebo kau sapama,
E raraunuaitem ;
Ba am piraga goyosi
Kega i na nosi,
Kom ke botu.

Tamam Baibaiyawasina
I bereberita,
Kega ki sinikaikaiei
Kaurina ke botu
Kom ke botu. Amen.

34 A. & M. 91.

Kom Kerisiana,
Ku kinanisi ;
Daimona si'duvu
Si ma pipinim ?
Ke msiri, ki owa
Ke kwabinisi ;
Korose baibaitai
Ke rau robois.

Kau sinem si riu,
Ku i dami köna,
Kau piraga goyo
Si ta aurabaim ?
Kega ke kiroro,
Ki nuatora
Lent ana baisiai
Ke rau robois.

Asi baisisia
Ku no'onori ?
"Pari ba baisia
Ve'oromisi."
Ku na kaobeyisi
"Pari baibaita"
Baiowa murinai
Rom i na mana.

Kom yam i gasari
Ba yaku yebo
Am bainuagoyo
A nosinosi ;
Saba i na wosim
Kom karikuai ;
Ba i na kakaba
Yau kwabikuai.

Amen.

35 A. & M. 263.

Am korose ke kabari,
Kom Bada Iesu i wonim ;
Dobu ki sinikaikaiei,
Ba kom ki saununuriku.

Am korose ke kabari,
Bitu kega ke nagarei ;
Bada, yarom ba kanumim
I na bobaimaragasis.

Am korose ke kabari,
Ki nuatora kabitam ;
Ba am korose am keta
Kau sapama i ni naovei.

Am korose ke kabari,
Ba Iesu ki saununuri ;
Kabara bitana wata
Sapamai i ni taupauma.

Kom Bada, Tonu Kesana,
Ka bokabakabarim ;
Kau sapama ke berikai
Yawasa mama damana.
Amen.

36 A. & M. 254.

Ke bi sinikarikari ?
Ki nuagoyo ?
Ke msiratu, e kau'auvim
Ki yakam.

Kona auraba bitana,
Bokana awa'i ?
Nimanai io baunina ;
Ke kitai.

Koronana kona kega
Kau gayamina
E mamana rurirurina,
Ke gayoi.

A ta bo'onubanuba
Saroba awa'i ?
Nuagoyo pesarisi ;
Ke notai.

A ta maratu damanei
Suara awa'i ?
Nuagoyo e kakaba
Ta marai.

A ti babai, i na nosi,
I na yauniku ?
Damanina e wadiem
Keriso.

A na besisira robo
I ni baisiku ?
Anela ba Peroveta
Te wona. Amen.

37 A. & M. 94.

Iesu, niko maranai
Kom ke beyabeyaikai,
Wonakai Kom ke nosi.

Bada Iesu, ka to tou,
Ka ti nuakiroro ;
Ke nosikai, Keriso.

Ki tainabainegikai,
Eremataokovikai ;
K anumim ke berikai.

Ku i kayosukusuku ;
Kau naom taran i'toi ;
Pipiyim i madogu.

Kau naom ka mamana ;
Ba kega ki gesikai
Kom suara muriai. Amen.

38 A. & M. 332.

Rabaraba koyanaikei
Meyaga gwabinai ;
Ata Taupauma Keriso
I tuparatui.

Ababainuagoyona
Kega ta kinani ;
Ba kota ta nosinosi
Kaurita i rabobo.

Konawata e mamana
Ba i ta suara ;
Ba kona keta Sapamai
I ta aurabaita. Amen.

39 A. & M. 107.

Iesu ta ni kaivi,
Tara gairena
Kota kairavita
I utusewai.

Baibaita damana
Iesu taranai.
Ta panapanana
Tupetupeni.

Satan i ta kitai,
I na kiroro,
Ba i na nagara
Yagiyagina.

Tarana gairena
Ta na pararei,
Ba ta ni kaikaivi
Ata Idua. Amen.

40 A. & M. 117.

Sina Kao'aobaisiena
Kau Korose i msimsiri,
Natuna i rabobo ;
Ba io nanakasike
Nuanuana i owai,
I bi nuaotoana.

Iesu Sinana ke nosi,
Nuanuana i goyo,
Kona yabata ke tou.
Iesu i tuparatui,
Kona rabora'obona
Sinana i toutouvei.

Pipiya Iesu si boai,
Si bi namei, ba si ravi,
Ba Sinana i kitai ;
I mabaibuibuiya,
Ba Kona i rabobo was
Pipiya si kukuvei.

Iesu Sinam ana wose
Nikasike a na nosi,
Kom a na bokuayim ;
Nuanuaku ke yauni,
A na saibira damanim,
Ba kaurim a na mana.
Amen.

41 A. & M. 114.

Komi ko botu, ta na tou
Keriso wabawabanai,
Kota ta ni roaroa
Iesu i tuparatui.

Pipiya te bi gigimei
Abiabia yabata,
Koroseyai e roroki
Iesu i tuparatui.

Nuanuata si goyo
Keriso i saurabobo
Ata Baibaiyawasina
Iesu i tuparatui.

Nimana bayebo Kaena
Keyamai si tutuisi,
Kairavita i raupari
Iesu i tuparatui.

Yasi si'wasio saki
Bada si kasibunui
Ata piraga goyosi
Iesu si tuparatui.

God, Baibainuayauyau-
nim.
Nina ku i maragata,
Kau rabobo ku i bada
Iesu i tuparatui. Amen.

42 A. & M. 108.

Korose a kitakitai
Kadara ana kaiwabo ;
Kauriku i rabobo was
A bi gigima meyiku.

Bagunai karikuai was
I ti nuagaireniku ;
Keriso ana korose
Kona wata a na wainei.

Ko kinani ! Gayaminai,
Yaronai bayebo kaenai
Nuagoyo i sororo,
Nuayauyauna yabata.

Dobu i ti karikuai
Kona suara goyona ;
Bada nuayauyanina
Kanumiku e waiwainei.

Iesu goyo 'ipiyisi
Kaurisi i'nuagoyo
Ba yawasa i gimoni ;
Ta na bokabakabari.

Amen.

43 A. & M. 134.

Bada Iesu i yawasa
Aleluia !
Ba kota ta na tabora.
Aleluia !
Matapa kau keyama,
Aleluia !
Kona i'nuagoyo. Aleluia !
Keriso ata Taupauma,
Aleluia !
Ta na kaobaigaegaeni,
Aleluia !
Kaurita i rabobo ;
Aleluia !
Kona e bi yawasita.
Aleluia !

Kau Sapama i ge mena,
Aleluia !
Anela te mamana was.
Aleluia !
Tamana kaurina, Aleluia !
Kona e potapotaita.
Aleluia ! Amen.

44 A. & M. 135.

Aleluia ! Aleluia ! Aleluia !
Karaku ta na tabora ;
Keriso ata Taupauma
Rabora'obosiai i gae.
Aleluia !

Kona maranai mara i tom
Iesu Ana kau Karawaga
Baibaine si yewoyewonae.
Aleluia !

Kosi anela si kitai,
Ba kona kosi i wonis,
Asi Bada matapi i nae.
Aleluia !

Baidibarai asi yoveyai
Aposetolo si nagara,
Iesu kau yove i botu.
Aleluia !

Kosi asi Bada si nosi,
Yawawayasina si kitai ;
Kona si bokabakabari ;
Aleluia !

Kota kega ta kinani,
Ta nosinosi kabitamni ;
Rabora'obosiai i gae.
Aleluia ! Amen.

45 A. & M. 133.

Tabora ta na ravi
Keriso i msiri
Ana baipatumina
I unarebui.
Yasegana ta kitai
Ere kadarina ;
Bada ta ni kiuruvei
Bomsiri menina.

Aleluia ! Keriso
Ama Taupaumina
Rabobo ki taupaumei
Ke mama damana
Dobu ku i saumarei
Kadara ku riu.
Ki taraparanikai
Kata ka ni ruaim. Amen.

46 A. & M. 140.

Iesu e yawasa mom,
Rabobo i'garukirei ;
I bi mesumesuvei
Karawaga patumina.
Aleluia !

Iesu e yawasa mom ;
Kota ta na nosinosi,
Kairavina rabobo
Yawasa matamketana.
Aleluia !

Iesu e yawasa mom,
Kairavita i sirage ;
Ta ta bo'osisiri,
Kaurina ta na yawasa.
Aleluia !

Iesu e yawasa mom ;
Ta na mapakiratui.
I na kaikaiparita,
Kega kona kana pata.
Aleluia !

Iesu e yawasa mom ;
I kesina King damana.
Ba kaurina ta ta nae,
Ba kaurina ta ta mana.
Aleluia ! Amen.

47 A. & M. 302.

Aleluia ! I bomsiri,
Iesu Sapamai i gae ;
Rabobona i'gesei ;
Anela ko tabora.
I bomsiri, I bomsiri,
Kega i na rabobo.

Aleluia ! I bomsiri,
Ba Tamana kaurina
Kona e kukuyita,
Ba e bi kwainanita.
I bomsiri, I bomsiri,
Kega i na rabobo.

Aleluia ! I bomsiri,
Nokoi i na potai
Kona kaurina rabobo ;
Kega ta na nagarei.
I bomsiri, I bomsiri,
Kega i na rabobo.
Amen.

48 A. & M. 301.

Gayama i raudeboro
Ruriruriyinai,
Karaku i bokabari
Erekadarina.

Gawara gaire sakina
Sapamai karinai.
Tautau pauma asi Bada
Aneanela kos.

Kaidamonai mama bitas
Bayebo dobuai
E bi nuagairenisi,
Ana nuayauyaunai.

Kau dobu asi Bada kos
Te bi nuagoyo,
Yabata yebo sapamai
Te bi kaikaiwabo.

Korose i kabari was
Pipiya kairavis'
Asi yawasa, ibara
Ta kaobaigaegaeni.
Amen.

49 Tune. A. & M. 4.

Kaurikai ke botu, Bada,
Nuanuakai ke riu
Kanuma Kao'aobaisiem
Puyo Berebereyanim.

Kaidamonai ke gakira,
Yakai ke kasibainubai,
Naom i ta rauyasega,
Matakai ke botatari.

Am baibaitai ki boroikai,
Am pipiya ki yawasis,
Kam abia ki gesisi,
Ba nike rom ke botuvei.

Tama Natu ba Kanuma
Yabata Kami Waba God,
Tonu ba Bada kesana ;
Ba ka bokabakabarim.
Amen.

50 A. & M. 207.

Akaiyoari Iesu
Dobu i'saumarei,
Baibaimorumorubina
I berita.

Baigairenita i wainei,
Yana i gaire mom,
Ba nike abamamana
E nuveni.

Gamona yogoyogona
I' beyebeyita ;
Goyona ta ti garui
Nikasike.

Kanuma monamonana
Ke bi genarikai ;
Mesumesukai ke notai,
Ba ke botu. Amen.

51 A. & M. 210.

Suara ku berikai
Kanuma Kao'aobaisiem,
Ba kesana ka ta yauni
Nuayauyauna.

Kona i gaire saki
Raboboai i na mana
Kona mama damanina
Nayauyauna.

Kau sapama ka na gae
Kadarina ka na kitai,
I kaikapo saburere,
Nuayauyauna.

Kom kaurikai ke botu
Ba ki taraparanikai,
Ke bere kabitamniki.
Nuayauyauna. Amen.

52 A. & M. 160.

Ka ta kaobaisiem, God
Wose bitam ;
Didibarai tabora kaurim i
na gae ;
Ka ta kaobaisiem, Kom
Wose bitam,
God kesana, ba Persona
tonu.

Te kao'aobaisiem pipiya
dobuai ;
Te bokabakabarim kau
kaidamona :
Kerubim ba Serapim te
utukeikeim ;
Mama damanim, Sapama
Badam.

Ka ta kaobaisiem, Ma
kobakobaim ;
Kadarim e bi mataka-
mokamosikai.
Kom wata Badam ; kega
kesana
Tama ba Natuna ba
Kanuma. Amen.

53 A. & M. 163.

Kom, Tonu ba Kesana,
Dobu boga Badasi
Ki tainabainegikai,
Kom ka bi babaim.

Yasegana gairena,
Kom kaurikai ke botu ;
Am kadarai, wakuna
Ki yaseganei.

Yasegana gairena,
Ka i kawakasekasem,
Ba ke nota taveyei ;
Rom ke berikai.

Kom, Tonu ba Kesana,
Ka bokabakabarim.
Karak'wata Sapamai
Ka ni kaiwabo. Amen.

54 A. & M. 164.

Tama Sapamai ikesim
Kawapata ku panani
Goyokai ke kinanikai
Ke bi nuanuanikai.

Wona Morapim, Natu
God
Ama Baiawasa bitam ;
Goyokai ka utukeikei
Ke bi taraparanikai.

Kanuma Mamadamanim,
Baimaragata Bitam Kom,
Ka raraupari ke nosi,
Ki baita kabitamnikai.

Kanuma, Tama, Natuna,
Kom God kesana ba Tonu
Matamai ka mamana was
Gairenai ki bonuvikai.
Amen.

55

A. & M. 436, 2nd Tune.

God matanai pesarisi te
tabotabora ;
Aleluia, Aleluia, Aleluia,
Bada Kom
Gwamegwame rautainisi
koroto te mamana,
Ere poepoesi ba baitu-
moro kaurisi.

Peroveta, Petriaka, Keriso
si'naovei
Kaiwabo, Aposetolo, Mäta
Kao'aobaisies.
Sebasebare, baibaine, ana
rarauparisi
Duvuna Kaikorotona te
tabotabora.

Si'roroki, si rabobo, si
patuma matapa ;
Kega si'sinimaya, si msiri
kabitam ;
Iesu tarana gairenai si'toa
meyisi ;
Karaku Paradiseai te gai-
gaire damana.

God, Damanam, Yasega-
nim, ama Emanuela,
Am baikesanina kosi, ka
mamayabata,
Dobuai ba Sapamai ka na
bokabakabarim,
Kom God Tama, God
Natuna, b a y e b o
Kanuma God.

Amen.

56 A. & M. 439.

God Natuna e bi owa
Korona gubanai ;
Ba boka tarotarona
E bi rauwaiwaini.

Ababainuagoyonai
E bi tumoro was ;
Korose e yauyauni was
E bi saununuri.

Stephen naoai kimugu
I kita bonei was ;
Bada sapamai i kitai
Ba Kona i orei.

Ba kona nanakasike
Bainuanuanai
Abiabia kairavis
Kona i raupari.

Pipiya i binesi was
Si nosi kabitam,
Beyabeyaura korose
Yebo si'gigimis.

Leona si verabeyei
Ba seri si'dami ;
Kotoi i ni saununuris
Ba i ni taupama.

Pipiya kaikorotosi
Ba gunagunasi
Baiyawasa bitana kos
Te bi nuaguire.

Ba kosi si'maragata
Kau sapama si gae
God, baibaita ke berikai
Ka ni saununuris. Amen.

57 A. & M. 437.

Am pipiya si nosi kabi-
timnim,
Ba asi saibira si boterei,
Iesu, Kam waba ka bi
gaireni, Aleluia.

Kom asi Akima, ba Tuma-
gina,
Baiabiai Kom asi Taupau-
mim,
Pomai asi Yasegana saki,
Aleluia.

Baibaiyabiyisi si ti abia,
Matapanaki nanakasike,
Am kao'aobaisiesi si'kai-
wabo, Aleluia.

Baikesanina Kao'aobaisi-
ena
Ka bi abia, ba te bi
yakam ;
Ere-onoakai karimiai
Aleluia.

Baiowa i veoroma saki
was,
Si'tumoro was asi tabora ;
Ka nonori, ka bi nuatora
Aleluia.

Kau enaga sipuna yase-
gana
Nosinosi si na rauriri
Paradise asi abamamana,
Aleluia.

Kao'aobaisiesi si kaubu-
naga

Ba ere kadarisi te nenaē,
Sapama Taupaumina
yabata, Aleluia.

Pipiya duvuna kaikoro-
tona

Nokoi God te bokabaka-
bari,

Tama be Natuna ba
Kanuma, Aleluia.
Amen.

58 A. & M. 428.

God Ana Kao'aobaisies !
Nike si'owa kabitam;
Asi io yebo bero,
Kom asi Bada si berei
God Ana Kao'aobaisiemi,
Iesu kos ko mayabata.

God Ana Kao'aobaisies !
Si wagawaga koboi,
Karaku kega abia,
Ba peku si ta nagarei;
God Ana Kao'aobaisiemi
Iesu i' nuanubaimi.

God Ana Kao'aobaisies !
Kau kaiwakuna si ota.
Ba gaga kega si ta gae,
Ba yaubutu i kakaba,
God Ana Kao'aobaisiemi
Niworoa, ba ko ota.

God Ana Kao'aobaisies !
Te potapota karaku.
Karak'wata kau Sapama
Kosi si na ge roboi.
God Ana Kao'aobaisiemi
Ami Bada i na botu.

God, Kao'aobaisiei sakim,
Iesu, Baiyawasa bitam,
Kanumim, ke nonorikai,
Am baibaita ke berikai,
Ba Kao'aobaisiesi kos
Yebo kaurim ka ni yakam.
Amen.

59 A. & M. 320.

Bada, kega ka kinanim ;
Kaurikai ku mana,
Ba nike Kom ka ta nosim,
Ba ka ta pepetim.

Pipiya te nosinosim,
Am puyo ke beris ;
Ke bobaimaragasisi,
Ke kasibainubais.

Wonam ka bosisiriei,
Ka botu ka na kam;
Pipiyina ba Tarana
Bada i berikai.

Ba ka ta bosisiriem
Yakai kom karimiai ;
Yebo ka ti saununurim,
Bada, Am baibaitai.
Amen.

60 A. & M. 323

Bada kega damaniku,
Ku ta msi ratuiku.
Wona kesana ke wonei,
I ti yawasiku.

Bada kega damaniku,
Kamoku i puda.
Mekabage kom ke riu
Ba ki gaireniku.

Bada, kega damaniku,
Ba Iesu ke riu.
Biom ba Taram ku berei
Yauku ku samuriku.

Ke botu niko marana,
Ba kam ke beriku.
Nuanuaku ki bonuvei
Am Nuayauyaunai. Amen.

61 A. & M. 324.

Kom Baibaiyawasim,
Iesu Keriso,
Kau nuasinekai,
Bada, ku riu.

Am baibaita gairesi
Ke berikai ;
Ba ama piraga
Si na gairena.

Mekabage yakai
Ka ni kaikaivim ;
Ama puyo kauris
Kao'aobaisiena.

Meyana nuanuakai
Ke madamana ;
Sapamai ka na nae
Kona sirinai. Amen.

62

Tune, A. & M. 108.

Iese ama Baibaiyawasim,
Kaurim ka msimsiratui.
Kao'aobaisiei damanim
Kam karaku ki riunikai.

Bada Iesu, yam gairena,
Ka ni kaikaiwa damanim.
Nuanuam ka yauyauni,
Ba pipiyim ku berikai.

Vedu baiyawasina
Ke beriku, a na tomani;
Be nike a na oreorim,
Kam Waba a na kaobai-
siei.

Tama God, wape Natu
God,
Ba Kanuma Kao'aobais-
iena,
Ababokabakabara
Kaurisi i na madamana.
Amen.

63 A. & M. 322.

Tamakai, Natunatum
karaku,
Nuanuakai kega si na
guga ;
Niko puyo Natum pipiya
kauris,
Marakesana i tere daman-
ei,
Niko wose i gairena saki,
Nike ka kao'aobaisikwa-
nim.

64 A. & M. 316.

Aleluia ! Eno ! Iesu !
Am baitaupaua saki ;
Aleluia Am kadara,
Kom ku i owa saki ;
Noi ! Sionai tabora
Waiparara rautainis ;
Iesu ere-onoanai
Tarai i samurita.

Kega boyeboyevikai
Ba ka ti nuagoyo
Aleluia ! Kom kaurikai
Ka nosi kabitamnim ;
Sirinai guba i yaunim ;
Marasi si kakaba
Am kao'aobaiyoyobani
E mama damanikai.

Eno ! Anela kasi kam,
Ku i kamsiabagikai ;
Piraga goyo'ipiyis
Kaurim te veravera ;
Goyosi asi-baibaita,
Ki baba kairavikai,
Mekei kao'aobaisiesi
Kom te tabotaborim.

Eno ! Taupauma damana,
Bada ka nosinosim ;
Tama Natuna damana
Maryai ku tupua ;
Sapamai erebiona,
Ku mama damanina
Dobuai Kom Priest ba
Puyo
Kom Kana kau Kambira.

Aleluia ! Eno ! Iesu !
Am baitaupaua saki ;
Aleluia Am kadara,
Kom ku i owa saki ;
Noi Sionai tabora
Waiparara rautainis ;
Iesu ere-onoanai
Tarai i samurita. Amen.

65 A. & M. 328.

Iesu Ana Koroseyai
A bi matakirem,
A kao'aobaibeyebeyim
Kom Bada karinai.

Nina a bi matakirem,
Ba Kona Wabana
Bagunai ki sinimayai,
Kom ki maragata.

Korose ku yauyauni was
Saibira i wonim,
E kao'aobaiyoyobanim,
Ba kom ki abia.

Korose kabara bitam
Am Bada Keriso :
Dobuai ba Kaidamonai
Kom ki saununuri. Amen.

66

A. & M. 280, 2nd Tune.

Iesu, yakai karimiai,
Ba Kom ke kaiparikai ;
Kom ma Baibaiyawasim,
Ki tainabainegikai.

Iesu, yakai karimiai ;
Ama piraga goyo
Kau matam ka na baiavi,
Ba ke nota taveyis.

Iesu, yakai karimiai ;
 Kom ke bopaparikai ;
 Bada, yakai ke rauriris,
 Ba ki nuagairenikai.

Iesu, yakai karimiai ;
 Baibaita ke berikai,
 Ba ka ni maragata ;
 Saibira ka na saivirei.

Iesu, yakai karimiai ;
 Kau dobu ke potaikai,
 Sirinai ka na rabobo
 Sapamai ke aurabaikai.
 Amen.

67 A. & M. 349.

Nuanuaku karaku
 Au God ke bosekwai ;
 Ba kega a ni saumarim ;
 A ni karimiai.

Korosenaki naonai
 A na makabitam ;
 Aku piraga goyosi
 Bada ki garuis.

Am baibaitai ki boroiku
 Ke yauna roboiku ;
 Naom a na kayokitai,
 Ba a na pepeta.

Nuanuaku, nimaku,
 Opaku a berim ;
 Aku yawasa kairavim
 Ba yebo rabobo.

Tama kaurina, Natuna
 Kaurina kadara.
 Kanuma kaurina yebo
 I na madamana. Amen.

68 A. & M. 7.

Kanuma, Kao'aobaisiem,
 Matapa ku gakira,
 Ba am Ekalesia
 Ku i morumorubi ;
 Naomai natunatum,
 Karaku ke msiratui.

Niko gunagunasi
 Bapataito si yauni.
 Kom ku bopaparisi,
 Ku i beyebeyisi ;
 Asi rori si taini
 Si ni saumsiratuim.

Ki baita neubuisi,
 Sa ni maragata mom.
 Satan kasi abia
 Si ni owa kikisi,
 Ba am yarayarakis
 Turinai ke pananis.

Wona kao'aobaisiena
 Matamai si na baiavi,
 Niko yaroterenai
 Baibaita si na yauni
 Ke msiratu, Kanuma,
 Kaurisi ke mamana.
 Amen.

69 A. & M. 271.

A kaobaiyoyobani
 O Iesu, karaku ;
 Ba a ti saununurim,
 Bada ba Kwainaku ;
 Gwabikuai ke mana ;
 A nosi kabitam,
 Kega a na siwana,
 Kom ku ti naoviku.

Dobu ana dudura
 Te mapipiniku :
 Bayebo baisakari
 Te pesapesara ;
 Abia pesarisi
 Te kwanokwanoiku :
 Ki taraparaniku
 Aku Bada Iesu.
 Am baiponasimsimna
 A ta nonorisi ;
 A ti yagisie,
 Ba kom ki gesiku ;
 Ba gamom i na rakata,
 Ba a na nonori ;
 A na bosisiriem,
 Kom, aku Taupauma.
 Ku kaobaiyoyobani
 Te bi saununurim,
 Kom kosi kau kadara,
 Si na madamana.
 Ba a kaobaiyoyobani,
 Ba a ta saibirim ;
 Baibaita ke beriku,
 Bada ba Kwainaku.

Kibim a ta kinani,
 Kosiai a ta nae ;
 Ba a ti saununurim
 Am baimaragatai ;
 Iesu, ke aurabaiku,
 Ke bokikisiku,
 Sapamai ki payayiku,
 Au Baibaiyawasim.
 Amen.

70 A. & M. 540.

Ki abia kabitamni,
 Keriso am maragata,
 Yawasa ke bokikisi,
 Am kadara i na mana.

Godai baibaita gairena
 Baiveravera gubanai,
 Yawasa keta naotai,
 Iesu keta ba suara.

Nuaboa ki garui,
 Baibainaovina kom kau-
 rim ;
 Ke tumagei, ba ke nosi
 Keriso, kona yawasa.

Kega ki nuakiroro,
 Nuanuana ku yauni,
 Ke nosi, ba ku na kitai
 Iesu, karimiai, opam.
 Amen.

71 A. & M. 282.

Bainao bitam, ke nosiku
 A oreorim was,
 Ba ke kayoaurabaiku,
 Kega a na peku.

Dobu, bio, Satan kos,
 Si tompipiniku,
 Waroiku te waiwainei was
 Bada ke naveyis.

Yebo si ti sakariku
 Maramaragasis,
 O Bada ke kaipariku,
 Ba Kom ki baisiku,

Mesumesu damaniku
 Ikesim a nosim,
 Ta-abia si ta botu,
 Kauriku ke daru. Amen.

72 A. & M. 350.

Matapa baoai Eden
I kaibaigairenis,
Nainakaraku nike
Kaurita i botu.

Trinity Monikina
E nosinosita
Tabine kau sirina
Ba e bi baisita.

Kom Tama God Morapim
Ke ma ratuikai,
Ba niko wasikena
Kaoana ke berei.

Yebo Mary Natuna,
Ki saukesanisi ;
Ke kaipara damanis
Si na bosisirim.

Kanuma Monamonam,
Ke bi gairenisi,
Ruamo si kakaba
Si ni kesana mom.

Tabine Kom ku i tauni
Baitua kaurina,
Kega kotoi nike
I ni baubauranis.

Ka na mama kobia
Ba ka na kitaim Kom,
Kanuma, Natu, Tama,
God Mama damanim.
Amen.

73 A. & M. 401.

Saibira i kakaba ;
Baiaibia yabata ;
Ba kau tore kau yata
Wagawagana i ota.
Tamakai, Am pipiya
Kona kaurim i na daua.

Ge'ena taupaumina
Kega noko i na gae ;
Iesu i ni payayis
Kairavisi i rabobo,
Tamakai, Am pipiya
Kona kaurim i na daua.
"Tano kau tano, kona"
Nike ka ni saumarei,
Kau bomsiri menina
I na bomsiri mena.
Tamakai, Am pipiya
Kona kaurim i na daua.
Amen.

74 A. & M. 191.

Iesu au Bada, opaku
Aka raupari ke nosi
Ke burubaigenariku,
Bada ke bi gaireniku,
Iesu au Bada, a nosim,
Ba a ti nuayauyaunim.
Matapa a ta nuvenim,
Ba a ti nuayaupaunim ;
A na wosei kabakabai
Ku rakata tawaniku ;
Iesu au Bada, a nosim,
Ba a ti nuayauyaunim.
Awa'i kauris ku yauniku?
Ku bi nuagaireniku ?
Ku bi poneturaniku ?
Ba a bi sake Kom kaurim.
Iesu au Bada, a nosim,
Ba a ti nuayauyaunim.
Iesu kaurim au tabora
A na tabora damanei ;
Ba tupaku karimiai
Aku Baibaiyawasa Kom,
Iesu au Bada a nosim,
Ba a ti nuayauyaunim.
Amen.

75 A. & M. 537.

Rom, karitai, niko kau
dobuna,
Iesu Tarana rom i berita.
Rom awakiai? Kota ta na
saibira ;
Iesu nanakasike i wona.

Rom, nike ta bi nuagoyo;
Ba ta na mana Iesu
kaurina.

Rom, nike kau dobu
goyona
Iesu nanakasike ta ma-
mana.

Rom, rabobo kau gwabina
Iesu kau rabobo i kaiwabo,

Nike ta ni abia kobo ;
Sapama Romna i na
berita. Amen.

76 A. & M. 277.

Kaurim a ta botu,
Au Bada God,
Au keta ke binei,
Ki naoviku,
Am wona ksanina,
Kau gwabim aku God,
Kom kau gwabim.

Jacob nikasike
A negoyo,
Pomai kunuana
Akima mom.
Meumeukuai
Kau gwabim aku God,
Kom kau gwabim.

Noi aku wawana
Ki beyiku,
Sapamai kau dobu
Anela kos.
Ba si na oriku,
Kau gwabim aku God,
Kom kau gwabim.

A na bomsiri was,
A na nosim,
Nanakasike ba
A na nena.
Au nuagoyonai,
Kau gwabim aku God,
Kom kau gwabim.
Amen.

77 A. & M. 199.

Kom ama keta ikesim,
Baibaita bitana,
Ba tama ka nuveni was
Kaurim ka vera mom.

Kom Baisauwona ikesim,
Ki beyebeyikai ;
Baibainuasuya Bitam,
Ke bi gairenikai.

Kom Baiyawasa ikesim,
Karawagai ku gae ;
Ba kosi si na nosim was
Kaurim si na nena.

Bada ke bereberikai,
Keta ka na kuiri,
Baisauwona, Baiyawasa,
Ka na yauna roboi.
Amen.

78 A. & M. 193.

Baibainuayaunyaunim,
 Kom kaurim a ta botu.
 Boga kau yoyona,
 Iesu, ki yawasiku.
 Ke terebaibuniyiku ;
 Sibe a ta nagarei ;
 Kaiwakuna kom kaurim ;
 Kanumiku ke potai.

Iesu a nosinosim ;
 Kega kotoi kesana.
 Kega ki saumariku,
 Ke kasibainubaiku ;
 Kom a oreorim,
 Ki tainabainegiku :
 Baibaisina kesana
 Kega i ta mamana.

Wonam kega a nosi ;
 Nuanuaku i puda.
 Nuasineku baiyeka
 I ti gaireniku,
 Baibaiyawasina Kom,
 Kamokuai ke mana ;
 A na bosisiriem ;
 Am sapamai a na nae.
 Amen.

79 A. & M. 165.

Matapa ama baibaita,
 God Mama damanim,
 Kau sibe abasusura
 Ba abamamana.

Bada, kaurim am pipiya
 Te mama kabitam :
 Kom Yarom i maragata,
 Bopapara bitam.

Koya kega si msiri was,
 Dobu kega naki ;
 Pusirinai kau damona
 Ama God kesanim.

Mara kega ku na nosi ;
 Ba kao pesarisi
 Pom kesana rautainina,
 Kom bage si dubo.

Rabobo bage okoa
 E veravera mom ;
 E karukaruvisi was
 Te nena damana.

Matapa ama baibaita,
 God Mama damanim,
 Kau sibe abasusura,
 Ba abamamana. Amen.

80 A. & M. 187.

God ana Arini !
 Pipiya goyosi
 Kosi kairavisi
 Ku rabobo :
 Kom aku Baibaiyawasim
 Ata yauyauna damanim,
 A ti yakam.

God ana Arini ;
 Taram kairaviku
 I tamosewa was
 Au yawasa :
 Ki ekaiku, ki ekaiku,
 Sineyai ki gaireniku,
 Damanina.

God ana Arini !
Maryai Natuna,
Ba God damanina,
Ka i kaikaivim ;
Nuayauyauna ke berikai,
Ba kao'aobaisiesi kos
Ka ti yakam.

God ana Arini !
Kona damanina
God abamamanai
I ta mana ;
E bi kesana Tamana
Ba Kanumina yabata,
Ma damana. Amen.

81 A. & M. 260.

Kanumiku ke nosi ;
Iesu e wonewonim ;
Am Baibaiyawasina
Gamona ku ta nosi.

Ba patupatumim kom
A botu a tombaunim ;
Yebo siwasiwanim
Am keta a i naovei.

Pipiyaike sinana
I ta tere taveyei,
I ti sinikaikaiei ;
A na pota damanim.

Saibira ki kakabei,
Au kadara ke kitai ;
Sapamai ke pepeta,
Ke veranunuriku.

Bada a nosinosi,
Yauku a takotako,
A na bosisiriem ;
Saba kom ki baisiku.
Amen.

82 A. & M. 194.

Iesu minikina,
Tama Natuna,
Yawasa bitana,
Tou ke nonori.

Piraga goyosi
Ki garuisi,
Urama goyosi
Ke tombaunisi.

Bainuayauyauna
Kom ke berikai,
Dobu kaidamonai
Ke taitainikai.

Kom keta ki naovei
Ke aurabaikai,
Dobu baidibarai,
Mara Sapamai.

Iesu, God Natuna
Yam e gaigaire,
Baibaiyawasikai,
Pari ke nosi. Amen.

83 A. & M. 306.

Iesu Kau wabana
Ta na pepeta.

Kona Taupaumina
Ere kadarina.

Tamana i wainei
I ti badita ;

Pusirina i Kona
Wona Morapa.

Matapa gamonai
Dobu i dagui.

Sapama ba Anela
Kona i 'taunisi,

Tupasi i wosisi
Kao ba Yaobunua,

Ere-onoasi
Monamonasi.

Tamarai i botu
 Ere biona.
 Wabana ta i wabei,
 Baibaiyawasina.
 Waba monikina
 I madamana.
 I bomsiri mena,
 Ere Wabana.

Kau nuanuata
 I na yoveboa.
 Ta na kaobaisiei.
 Ta ni nuayauni,
 Ba ta na nagarei,
 Ata Tama God
 Baibaiyawasina
 Bada Keriso.

Niko Bada Iesu
 I na nemena,
 Ere kadarina,
 Ere Anelana.
 Dobu pesarisi
 Asi Kaiwabo,
 I na madamana
 I ni taupaumis. Amen.

84 A. & M. 240.

Am Basekwa sapamai
 Te gaigaire kabitam.
 Am basekwa dobuai
 Monikisi, O Bada.
 Yaku e goyogoyo
 Am pipiya kaurisi,
 Naom a ta saukitai
 Am wadiwadiyisi.

Bunebune matapa
 I nemena kau aka.
 Ama aka kom kaurim,
 Ama Baiyakam bitam.

Dobuai ka siwana,
 Ka nene kabakabai ;
 Ka msibira Kom kaurim,
 Baibaitarapanim.

Am Ba'osisirisi
 Ku bi kam damanisi :
 Ba ku kaikaiparisi.
 Kega mekei te goyo
 Maramaragasisi
 Si na yewo kabitam ;
 Kau sapama kau gwabim
 Si na vera koboa.

Bada, ki karikuai ;
 Ke bi nao damanikai,
 Ke bo'okabariku.
 Kaurim ke taitainiku,
 Aku Yasegana Kom,
 A'u Baiabia Bitam,
 Baibaibaisim ikesim,
 Ki nuanuaniku. Amen.

85 A. & M. 236.

Jerusalem aku yove
 Kaidamo mamanim ;
 Saibira i na kakaba,
 Ba kom a na kitaim.

Jerusalem, nuanuaku
 Ku yauna damanei ;
 Ba a na potai sirinai
 Kaurim a na botu.

Am kabapota pairesi
 Yauku a na riu ;
 Au keta baibaiyawasis
 A na yewoyewo.

Kega awaki pudana
Nakai i ta riu ;
Kega bainuagoyona
Kom am kau mamana.

Rabobo niko kau dobu
Ba baisinigoyo,
Ba aku bainuagoyo
A ni saumarisi.

Kau kamom Bada Keriso
Yabata te mana.
Ba aku siri a na nae,
Nakai a na mana.

Jerusalem, aku yove
Kaidamo mamanim ;
Saibira i na kakaba,
Ba kom a na kitaim.
Amen.

86

A. & M. 198.

O Iesu, ku msimsiri
Guduku gwabinai
Riu ku potapotai
Kau nuanuaku ;
A bi tepakumara,
Rom aku kaiwabo ;
Awa'i kaurisi a i gesim
Baiyawasa Bitam ?

Ku raukesakesara ;
Nimam si bauni was,
Tepamai rururina,
Ba mataokovim.
Wadiyina morapa
Ku pota kabitam ;
Ba kega aku pata
Goyo damaniku.

O Iesu ku kukuya
Ku bi ponasimsim ;
Kau gubam a rabobo,
Ma ke saiviriku ?
Bada, a i nuagoyo,
A tombaubauniku ;
Bada, goyo ke riu,
Ke mamadamana.
Amen.

87

A. & M. 333.

Keriso matapa
I'pipiyaike,
Wadiwadiyina
I'yawasita.
Wona bapataito
Ta ta saunotai,
I ni ata Bada.
Potapotaina.

Kona kau nimana
Si kaiterita,
Bainagara kega
E mamana was.
I kaoyoyobana,
Ta na nosi mom,
Baiyakam Bitana
I na pewaita.

Kona nina dobuai
Ta kita kabai ;
Saba i kabarita
Ta i siniravi.
Rabobo sirinai
Ta na bomsiri,
Naona gairena
Ta na saukitai.

Baipota bitana
 I na madamana,
 I na aurabaita,
 Kau baiyakamna
 Kwapu kau gairesi
 I ni dauvita.
 Namai soya kega ;
 Namai kega tou.

Iesu ama Bada,
 Kom kairavikai
 Si tuparatuim,
 Baiyawasikai.
 Am nuayauyauna,
 Am kai parina,
 Ka ta notanotai,
 Ke bi baisikai. Amen.

88

A. & M. 334.

Kom sipu Pota bitam
 Ke pota damaniku ;
 Kom maragata sakim
 Kega yau si na sek-
 waim.

Am yawasa ku berei
 Ba yau a ta yawasa ;
 Yarom si tutuisi,
 Ba te bi gaireniku.

Iesu a ti kaikaivim
 Ba a ta bosisirim ;
 Ke bi gairenisi was
 Yau a na rautainisi.

Kauriku ku ta mana,
 Ku ti beyebeyiku ;
 Am keta totorina
 Siwana ki gesiku.

Ke bi nao was a ta nae
 Dobuai a ta kibim
 Ba Tamaku naonai
 Ke nosi damaniku.
 Amen.

89

Tune, "Mothers of Salem."

Natunatusi Iesu kaurina
 si botuvis ;
 Pipiya si gesis, ba baus-
 iai si ta mana ;
 Iesu kosi i kitaisi, ba i
 rautapiyisi ;
 "Gunagunasi si na msi
 gwabiku."

A bi nuayauyaunis, kosi a
 na kabaris ;

A ni payapayayisi ; ba a
 ni gairenis ;

Ba si ta bosisiriku gawara
 a na berisi ;

"Gunagunasi si na msi
 gwabiku."

Kau dobu matapa ata'-
 ipiya si kitai ;

Ba kau Sapama karku
 Iesu a mamana ;

Wonana ksanina kona e
 wonawonita ;

"Gunagunasi si na msi
 gwabiku."

Baibaiyawasina yana i
 gaire saki ;

Ba kota ta ni siniravi
 kabitamni ;

Wabana ta no'onori, ba
 Wonana yabata ;

Iesu kaurina ta ta msi
 gwabiei.

Etene pesaris' ba kega si
nonori ;
Tarabaibaisaka naonai si
utukeikei ;
Bada ki beyebeyisi, Won-
ana si ta nonori
Kosi yabata kaurim si ta
botu. Amen.

90

Kairaviku kasibau
Baiyawasa warana
Ko raumamara dam
kauris'
Ba si na bapataito.
Ba ana yarayaraka
Te nena, ba Korose
Keriso i rabobo was
Te bi beyebeyisi.

Baitumoro go nonori
Te tabotabora was ;
Wara gairena e nena
Kau ere-onoana.
Mara e msimsiratui
Te bi owa damana
Ba maragiosi naki
Erarauyasegana.

Ba karaku wata gisuma
Anela i na baini
Sapama ana Taupauma
Keriso i na botu.
Nuayauyauna, Yawasa,
Bayebo Yasegana,
God ana abamamanai
Kom ku na ma damana.
Amen.

91 A. & M. 516.

Komi Bada kau naona,
Turakai, ko na pepeta
Kona dobu i wosei was,
Ba Kona i ta pupuni.

Kota kega ta i baisi,
Ba kona pipiya i wosei ;
Kana sipu siwanisi
I aurabana meyisi.

E bi payapayayita,
Kanumita, pipiyita.
Me'o tabora i na mana,
Ba ma ta na piragei ?

Kau naom ka ni baiduvu:
Gamokai sapamai i na
gae ;
Ba dobu pusirinai
Kom si na kaobaigaegae-
nim. Amen.

92 A. & M. 307.

Baiyawasa bitana,
Ku bi gaire saki.
Nuanuakai Kom kaurim
Ku yauyaunisi.
Kom ka tabotaborim,
Ba ka bi gairenim,
Ka bokabakabarim,
Ama Taupauma Kom.

Ba Komai baibaisina,
Maragata bitam ;
Kaidamonai, kadara
Iesu, karimiai.
Kom ka tabotaborim,
Ba ka bi gairenim,
Ka bokabakabarim,
Ama Taupauma Kom.

Iesu, Kom ka bi babaim
 Tabora Sapamai
 Karaku kata ka na
 Tabora kabitam.
 Ka na kaobaigaegaenim,
 Ba ka ni gairenim,
 Anela matasiai,
 Baiyawasa bitam. Amen.

93 A. & M. 298.

God, Taupaumina Sapa-
 mai,
 Ta na kaobaigaegaeni
 E koyakoyagita was
 Kota ta ni kaikaivi.
 Aleluia ! Aleluia !
 Ta na kaobaigaegaeni.

Tamatamata i'baisis,
 Ba i'gairensi kos
 I'yaububuanisi, ba
 Abia i'gesisi.
 Aleluia ! Aleluia !
 God mama damanina.

Aneanela Sapamai
 God te ututukeikei ;
 Ba tabora te karasis
 Kao'aobaisiesi kos.
 Aleluia ! Aleluia !
 Ta na kaobaigaegaeni.
 Amen.

94

Church Hymns, 480.

Ata Bada Iesu
 Ta ni kaikaivi.
 I'beyebeyita,
 Ta ta nonori.

Matapa baidibarai
 Ta mama yepo.
 Satani ta bosisiri
 Yana goyona.
 Ta na vera neubua
 Ta ni abia.
 Matata senana
 Bada i terei.

Taupauma Keriso
 I'naovita.
 Ta ni saununuri,
 I ni baisita.
 Satan i sugurita,
 Ba ta ti gesei.
 Nagarita i na vera,
 Ere duvuna.

Ere-onoami
 Ta ti kesani.
 Kaiwabo kesana
 Giuna yebo.
 Ata Taupaumina
 Ta ni kadari :
 Anela te raviravi,
 Pipiya yebo. Amen.

95

A. & M. 215.

Ekalesia Buna
 Ata Bada Iesu,
 Kona i bi tupuvei
 Okoai ba Wonai :
 Sapamai i gakira,
 Rabaina kaurina.
 Taranai i gimonei,
 Konai i rabobo.

Dam ere-onoasi
 Kona kesanina,
 Giu, Abatupua,
 Ba Bada kesana ;
 Waba Kao'aobaisiena
 E bi gaireni
 Ba kana Kam kesana,
 Iesu Pipiyina.

Saibira Kaikapona,
 Ba baiowa yebo,
 E bi pota kabitam,
 Rom i na tupua,
 Kau rerematarina,
 Iesu i na kitai,
 I ni Bada kabitam,
 Konai i ni yakam.

Kona kosi yabata
 Kao'aobaisiesi,
 Dobuai si rabobo
 Kona si'kesani.
 Baibaita ke berikai,
 Bada, ka bi babaim,
 Ba ere'onoakai
 Kom kos ta na mana.

Amen.

96 A. & M. 370.

Tamakai mamadamanim,
 Yarom boga yoyona
 I terei, ba paratasi
 Baisaubona ku i gesei.
 Pipiya bogai te nena,
 Kairavis' ke nonorikai.

Keriso sibe ku wonei,
 Ba niworoa i daua.
 Okoa, Boga Badasi
 Kau tepana kom ku yewo.
 Pipiya bogai te nena,
 Kairavis' ke nonorikai.

Kanuma Kao'aobaisiem,
 Bogai ku i turamakirem;
 Ba sibe maragasina,
 Wonam i bosisiriei.
 Pipiya bogai te nena,
 Kairavis' ke nonorikai.

Trinity giaredamana,
 Turaturakai ke potais.
 Bogai te bowagawaga
 Ke kaipara kabitannis,
 Ba kau boga ba kau dobu
 Ka na bokabakabarim.
 Amen.

97

Si tabora roboi,
 Kau tempela i pom ;
 Kibe yogonaikē
 Areka naonai.
 Mara kesana gamona
 Monikina kau basekwa.

Ba sebare naki,
 Eli i daudaua ;
 Ba Samuelike
 Tempela i beyai.
 Eli i nosi kabai was
 Bada, Samuel i wonei.

Samuel tainana
 Ke beriku Bada,
 Nonora kaurina
 Am waina yabata.
 Samuel nanakasike
 Yauku a ta bosisirim.

Samuela yana
 Ke beriku Bada,
 Ba ka oai ba pomai
 Wonam a ta nosi.
 A na kaipara damana,
 Tempelai ba matamketai.

Yebo tumagina
 Ke beriku Bada,
 Ku ti orejana
 Ba a ta kaobeyim,
 Am yaraka nike Bada,
 A na saigira damanim.
 Amen.

98 A. & M. 98.

Kadara pesarina
 Ere baigaegaena,
 Kaurim ama Taupauma,
 Ba Kawapataina.
 Kom Israel Taupauma,
 Ba David Natuna,
 Bada kana kau Waba
 Kaurikai ku botu.

Kedara pesarina, etc.

Anela asi duvu
 Te tabotaborim,
 Pesarisi ku wosisi
 Te kao'aobeyebeyei.

Kadara pesarina, etc.

Ba Hebrew'ipiyisi
 Naomai si parara
 Ba ama baikaikaiwa
 Kaurim ka ta beris.

Kedara pesarina, etc.

Am Abanuagoyo
 Naonai si tabora ;
 Kaurim kau kaidamona
 Ka tabotaborim.

Kadara pesarina, etc.

Kom asi taborisi
 Ku bosekwasekwais
 Ama pari ke yaunis
 Taupauma gairena.

Kadara pesarina, etc.
 Amen.

99

A. & M. 242.

Am gawara O God,
 Kau yove dobuai;
 Ka i nuayauyauni
 Kona baigairena.

Yove rauparina,
 Konai ka bi duvu ;
 Nokoi ama Bada
 Ku verabeyikai.

Ababapataito
 Ka i nuayauyauni ;
 Konai Kanumina
 E bi gairenikai.

Am raunabonabo
 Ka i nuayauyauni ;
 Nokoi nosiai,
 Ka panapananim.

Yawasa wonana
 Ka i nuayauyauni ;
 Kona, rom wonana
 Baimorumorubai.

Nike am kau yove
 Ka tabotaborim ;
 Sapama tabora
 Ka ta nosinosi.

Iesu am baibaita
 Ke bereberikai,
 Naom kau sapama,
 Ka ta kita yepo. Amen.

100

A. & M. 379.

Karaku ata God,
Kota ta ni kaikaivi
Ana wose kauris'
I wosebaipuai was ;
I bi gairenita
I potapotaita
Ba gairesi wata
E puyopuyoita.

God Bere bitana
Kaurita i ta mana
Yabata ta ta nae
Keta Baibainaovina ;
Ba nina dobuai
I ta kaiparita,
Woseyai muriai
I ti yawasita.

Tama ba Natuna
Kota ta ni kaikaivi,
Kanuma yabata
To na kaobaigaegaeni ;
Vouvounai Kona God
Mamadamanina,
Dobu ba Sapama
Te ututukeikei. Amen.

101

Tune, A. & M. 463.

God Tamana, Natuna,
Kanuma, Trinity,
Ama pari ke nosi ;
Ki taraparanikai.

Iesu, ku kairabobo,
Yakai ka ta yawasa,
Ku ni buibuiyikai,
Iesu, ke nonorikai.

Ta marai ke orikai,
Dobu ka ni saumarei,
Ama Baibaiyawasim,
Iesu, ke nonorikai.

Ama wose goyosi
Ke nota taveyisi,
Ke bi poepoekai,
Iesu, ke nonorikai.

Ke bi buibuiyikai,
Ke be maragasikai,
Iesu ki gairenikai ;
Iesu, ke nonorikai.

Ka na boyokoyokoim,
Ama Baibaiyawasim,
Ki morumorubikai ;
Iesu, ke nonorikai.

Kau kadara damana,
Ere yaseganina,
Kau kawara baiakam,
Iesu, ke aurabaikai.

Am 'ipiya gairesi,
Yebo ka ni kaikaivim ;
Kau sapama ba kaurim ;
Iesu, ke aurabaikai.
Amen.

102

A. & M. 467.

God, Tonu ba Kesana,
Tama, Natu, Kanuma,
Trinity Baigairena,
Ki taraparanikai.

Iesu, kom kairavikai
Goyo pesarina kos
Ku kabakabarisai,
Iesu, ke nonorikai.

Parinai ku raupari
 Vedu i ta naveyei
 God ku ta bosisiri
 Iesu, ke nonorikai.

Baiyaoyaona goyonai
 Abiabia kauris'
 I bi mamatarim was
 Iesu, ke nonorikai.

Am ravina gubanoi,
 Gara sabasabana,
 Ruriruriyina kos,
 Iesu, ke nonorikai.

Baigigimai Iudaeyai,
 Barabbas si binei was,
 Asi Bada si'gesei,
 Iesu, ke nonorikai.

Am naenai kau rabobo,
 Sirinai si pararei
 "Ko ni tuparatui!"
 Iesu, ke nonorikai.

Koroseyai ku kabari,
 Vedunai ku tomani,
 Kabisu ba vinegar,
 Iesu, ke nonorikai.

Keyamai tutuina,
 Bokanai kau tepana,
 Baidibarai yabata,
 Iesu, ke nonorikai.

Am gara baiabinai,
 Abia si' gigimim,
 Rabobom si potai was,
 Iesu, ke nonorikai.

Am wonai ku wonisi,
 Ba gayamim dunenai,
 Baiabim rabobo kos,
 Iesu, ke nonorikai.

Siri kau baisikari,
 Siri ka takotako,
 Am rabobo yawasa,
 Iesu, ki yawasikai.

Ama kau yawasa mom,
 Awa'i ka ta baiavi
 Bage Kom kau korose :
 Iesu, ki yawasikai.

Ama tumagina kom,
 Rabobona murinai
 Naom ka na kinani :
 Iesu, ki yawasikai.
 Amen.

103 A. & M. 322.

Tama nuayauyauna nosi-
 nai
 Marakesana i tobonikai,
 Ere-Natum I kukuyikai
 was,

Suara kabitamna kesana
 Puyobunuvina damanina,
 Yakai kau naom ka
 tereterei.

Kona naona Tama ke
 kitai,
 Ba yakai kona nanaka-
 sike ;
 Am baibaita ka yoyo
 sasarei,
 Erenosikai yogiyogina;
 Ama goyo ba asi saroba
 Basunai natum ka tere-
 terei.

Gubanai turaturakai yebo,
 Pipiya pesarisi yabata,
 Am manai ka wona sabu-
 rere,
 Goyonai ki yawayawa-
 sisi,
 Kanukanumis' ki maraga-
 sis,
 Ba si na boworawora
 yepo.

Ka botu kau kaem ke
 tainikai,
 Baiyawasa Bitam, bogu-
 gubim ;
 Ba niko kamna ka'yonu-
 banai,
 Goyonai ki taraparan-
 ikai :
 Am kau saibira ki kairen-
 ikai,
 Yebo kega ka na ne
 taveyim. Amen.

104

Kupura gairena
 Kaidamonai ;
 Kao'aobaisiesi
 Te msimsiri.
 Gamo kau gairena
 Baibaiyawasina
 Te bo'ogegeyei
 Ma damana.

Ko botu, ko botu,
 Kau kupura ;
 Awaki gubanai
 Ko i metewa ?
 Goyona kega,
 Bayebo nuapoya ;
 Bada kom yabata
 Ta na mana.

Kona kau kupura
 Naosi gairesi ;
 Tama e kaiparis,
 Ma gairena.
 Komi ko na vera,
 Ba ko na bobainuba ;
 Puyona gairena
 Ta na yauni. Amen.

105

Sirinai Mary Keriso
 Kau Bethlehem i bi tuvei
 Anela si dimadime
 In Excelsis Gloria.

Anela duvuduvunai
 Potapotaisi si wonis
 God Natuna i tupua
 In Excelsis Gloria.

Taupaumina i gakira
 Pipiya i ti yawasis
 Ba tabora ko na nosi
 In Excelsis Gloria.

Bada baibainuayaunyaunim
 Kom kinanim ke berikai
 Ka na tabora kau matam
 In Excelsis Gloria.

106

E.H. 390.

God a bi geruvei yawana
 Kesana, Persona Tonu ;
 Ba a nosinosi saki
 Natuna i'pipiya.

Kona i tuparatui
 Kona a bi geruvei,
 Ba au piraga goyosi
 Gubanai, i rabobo.

Totorisi asi mamana
Te ma gwagwariei ;
Ba tumatumaga bitasi
Kona e bi baisis.

Kosi nuayauyaunina
Te ruburubui,
Kosi wata si na nosi
Kom Wonadamana.

Kaobaisiemi kumarina,
Ba kega kesana,
I ni nuagairenimi,
Ba i na potaimi.

Ka bo'okuakuayim
Tama ba Natuna,
Kanuma, Kao'aobaisiena
Kom mama damanim.
Amen.

110 A. & M. 346.

Marana i nuba,
Yebo e pompom ;
Ba daua sirina
Kara'u i botu.

Iesu ama bada
Kom kau sapama ;
Yakai gunaguna
Ke kinanikai.

Gubagubagisi
Ke beyabeyais
Kosi ki dauvisi,
Ki nuanubais.

Anela ke wonis,
Si na ratui ;
Ba wose goyona
Si ni gesisi.

Mara i na tomtom,
A na bomsiri,
Ba a na raupari,
Bada kau matam.

Tama wape Iesu
Ka bogegeyei,
Kanuma yabata.
Mama damana. Amen.

111 A. & M. 633.

Durham 102, 70.

Emmanuela Tarana
Wautu i bonuvei ;
Noi piraga goyosi
I eka taveyis.

Refrain :

Yau a nosi, a na nosi
Tarana i'toi,
Kairaviku i rabobo
I ta tombauniku.

Matapa sekwa bitana
Wautuna i nosi ;
Yau nikasike au puda
Ini eka taveyis.

Bada, Taram monikina
E bi maragata,
God ana Ekalesia
I na baiyawasi.

Mata'otona tarana
Notai a kitai was
Ba ana nuayauyauna
A na bogegeyei.

Bada, kega damaniku,
Ba a bi geruvei,
Taram saroba gairena.

Ba Tama God kau matana
A na tabora,
Iesu wabam a ni iavi
Ba kega kesana.

112

A. & M. 23.

God bogegeya Kom kau-
rim

Pipiya ka bereberim ;
Kom ke koyakoyagikai,
Kega ke ne taveyikai.

Bada, Natum kairavina
Ama piraga goyosi
Ke terebaigaruisi,
Ba kega ke nota meyis.

Yakai ke beyebeyikai
Nina ka na ma kabitam
Ba rabobo kau marana
Yakai ka ni ma yawana.

Kanumikai karimiai
Kau pipiyikai ku terei,
Kam sapamai ke berisi,
Ke bobaimaragasisi.

Yakai ka na daua mena,
Ki genara damanikai ;
Kom nagara ke kwabini
Ba ka ni yakam yawana.

God ka bokabakabarim ;
Yebo God ka bi kaikai-
vim ;

Kanuma, Natuna, ba
Kom,

Kesana mama damanim.
Amen.

113 A. & M. 319.

Bada soramina
Ku bokabitamni,
Wine yebo Palawa
Mama damanina
Kom ki kamsiabagikai ;
Iesu ke bopaparikai.

Kanukanumikai
Ki baita damanis,
Ba Kom Am yawasai
Ke bopaparikai,
Kata ka ni maragata
Ba Naom ka na kinani.
Amen.

114 A. & M. 499.

Bomsiri ku didibarakai
Ta na bomsiri mena,
Tou ba nuapoya
Si na kakaba.

Pipiyita, kanumita
Nina si ni baubaurana,
Muri ta na yauna meyis.
Maranai.

Kosi siri dubonaike
Karawaga kamoni
Ikesisi si na daua
Nuatau.

Kanuma potapotaina
Ereraupari domana
Bada baibaita bitana
Naonai.

Pipiya Wose bitana
Kanumita i berita,
Kona ana kiturubai
I wosei.

Bomsiri mara gairena
I ni nuagairenita,
Turata kaobaisiesi
I wona.

Bomsiri kau didibara
Karawagai ta na gae ;
Pipiya turana si na
Ne beyis.

Kona kau ne beyina
Iesu, ke aurabaikai,
Kau kaidamona sapamai
Ka na man'. Amen.

115 A. & M. 147.

Kaiwa niko marana,
Aleluia.
Keriso i bomsiri, Aleluia.
Ana abamamana, Aleluia.
Emakimakirei was,
Aleluia.

Keriso God Arini, Aleluia.
Gubakai i rabobo, Aleluia.
Bobainuba gubani,
Aleluia.
Kona sapamai i gae,
Aleluia.

Taupaumina saki, Aleluia.
Kona e potapotai, Aleluia.
Dobu i ne taveyei, Aleluia.
Sapama i'payaye, Aleluia.

Yarona i bogaye, Aleluia.
Maovina e mamana,
Aleluia.

Kau korose i yauni,
Aleluia.
Yawayawasa damana,
Aleluia.

Kona Ekalesia, Aleluia.
E kao'aobaigaegaeni,
Aleluia.
Ta ni enoenovei, Aleluia.
Yebo ta ni gaireni,
Aleluia.

Kabapota ko bogaye,
Aleluia.
Ata Bada Keriso, Aleluia.
Rabobo i bi owai, Aleluia.
Nakai i na riu mena,
Aleluia.

Kona e raraupari, Aleluia.
Gubakai i rabobo, Aleluia.
Yana i gaire saki, Aleluia.
Ta na bogegeyei, Aleluia.

Iesu kom ama Bada,
Aleluia.
Ka bokabakabarim,
Aleluia.
Sapamai kaidamonai,
Aleluia.
Mama damana bitam,
Aleluia. Amen.

116

A. & M. 149.

Kaidamonai ku gae ;
Am abamamana
Anela si tom pipini
Te tabotabora
Dobu ka mamanei,
Ka bi nuapoya ;
Kom Kanumim ke berikai
Morumorubina.

Kaidamonai ku gae ;
 Ku kaigakira was ;
 Ba ababainuapoyai
 Korona ku yauni ;
 Ba nanakasike
 Ka na ne nuatau,
 Eremataokovikai
 Kaurim ka na botu.

Kaidamonai ku gae ;
 Ke gakira mena
 Anela kadakadaris
 Kos ko na gakira.
 Bada, am baibaitai
 Kom ki yawasikai,
 Ba kasaumai ka na msiri
 Noi kaidamonai. Amen.

117

A. & M. 338.

Tamakai, Am baigairena
 Natunatum ke beris,
 Kau naom te bi duvu was,
 Wabam te baibaiavi,
 Kosi Joseph kau kibina
 Si ta yewo kabitam,
 Ba David nanakasike,
 Si ta ma kau damona.

Iesu Baibaiyawasina,
 Ku i moyaka meyim,
 Kau dobu ku i pepeya
 Kupuramom ku manei.
 Ku i ka'yosukusuku,
 Sinim i karkari ;
 Ke kaobaibeyebeyikai,
 Ama keta ki naovei.

Kanuma Morumorubim,
 Matapa ku garika,
 Ku kaipara damanikai,
 Rom wata ke berikai.
 Pipiyikai, Am tempela,
 Abariu ki gwarai.
 Kamonuayauyaunai.
 Gaireyai ki bonuvis.

Amen.

118

Iesu ko pepetei,
 Kona nike ;
 Ana altar naonai
 Ko pepeta ;
 God ana Arini
 Si'sirageyei was
 Pipiya kairavis'
 E bi babai.

Anela te bokuaya
 Nike ;
 Kosi gawarina
 Pota bitas ;
 Ba gunagunasi
 Yebo te saivirei
 Asi tabora kos,
 Iesu nike.

Gamona ta nosi,
 Kona nike ;
 I' yauririta
 Kona nike ;
 Ana altar naonai
 Am bita ke terei,
 Kom ke waiwainei was
 Ki sisiyei.

Komi ko pepeta,
 Iesu nike ;
 Ko i nuayaunyauni,
 Kona nike ;
 Kamnana gairena,
 Iesu rabobona,
 E bi beyebeyei
 Kona nike. Amen.

119

A. & M. 58.

God kau kaidamona
 Kona i nonori ;
 Noï ! Sapamai i gakira
 Rom ana Taupauma.

Noï ! baidibarai
 Anela gamosi ;
 Si wonei kau dobu naki
 Ba God i tupua.

Sheep potapotaïsi
 Te nene yagina ;
 Ba kosi yabata kota
 Iesu ta pepetei.

Awaki ta kitai
 Kona epamanai
 Mary Natuna, Iesu,
 Gomara yabata.

Kom Keriso naki ?
 Tama Kanumina ?
 Sapama, dobu, Kabaram
 Noï ! ka nosinosim.

Ere ama nota
 God ka nosinosim ;
 Kau matam anela
 Te bo'okuayei.

Giu bitam, Bada
 Ku wonawonikai
 Bio ana waina goyo
 Kega ka na binei.

Ama wose goyo
 Kom ku ti yawasi,
 Ke tupua, Pipiyaike
 Kau nuanuakai. Amen.

SALAMO.

SALAMO 8.

BADA, ama Bada, kam waba kau dobuere-onoana i gaire saki : am kadara kau sapama ku terei.

2. Pipiya gunaguna ba tomatomanisi kawasiai baimaragata ku wosei, kam abiabia kairavisi : ba ania ba biua yauyaunina si ta maguguba.

3. Am sapa sapama a bi nuanisi, yaro raorakom asi saibira : nawaravi ba gwamegwame ku wosei was.

4. Pipiya awakina, ba kom ke bi nuasuyai : ba pipiya natuna, ba ke bi yaububuane?i

5. Kom ku wosei saba kega God nanakasike : ba kadara ba bokabakabarina ku berei.

6. Yarom asi saivira gaurisi e bi taupauma : ere-onoanakau kaena ku terei.

7. Sheep ba bulamakau ere-onoasi : damanina ba siaua gargagarai.

8. Sapama manuna ba boga ianana : boga kau ketana naenaesi.

9. Bada, ama Bada : kam waba kau dobu ere-onoana i gaire saki.

SALAMO 15.

BADA, am kau yovekara kotoi i na raudaudaua : kotoi am koya kau kao'aobaisiena i na mana ?

2. Kona e yewoyewo totora, ba piraga gairena e wosewosei : ba nuanuanai e bi sauwona.

3. Kona kau pepena kega i ti veyeveyei, ba turana kega i ti goyoni : ba turana kega i ti giugiuranei.

4. Kona kau matana pirago goyo 'ipiyina i sinikakai-ei : ba Bada te kumekumerei was a bo'okabakabaris.

5. Kona i kaobaiyoyobani was e bi goyoni: kata kega i raubotabira.

6. Kona ana money kega i berena sarobina kairavina : ba sinitupasi kaurisi puka kega i yauni.

7. Pipiya nikosi e saivi saivirisi : kega me yana i na kerutaveyei.

SALAMO 16.

KE bopapariku, Bada : a tumatumagim.

2. Bada a wonei : Kom au bada, au sawara kega awaki kom au matam.

3. Kao'aobaisiesi dobuai te mamana, te bi nuagaireniku : ba kosi gaire sakisi nanakasike.

4. Saba kosi ta-god te veraveranunuri : asi bainua-goyo si na pesara.

5. Tara asi suara abatomatoma kega a na beris : kasi waba kipurukuai kega a na baiavis.

6. Bada au buderi kodana ba au vedu : kom au saivira ke ma kikisi.

7. Parata kauriku gwara kau gairena : damanina au buderi i gaire saburere.

8. Bada i kaobaiwarawaraiku, kona kaurinaa na bogegeyei : nuasineku pomai e bi beyebeyeiku.

9. God kau naoku a tere damanei : kona kasaukuai e mamana kona kairavina kega a na peku.

10. Kona kaurina nuanuaku i gaire ba au kadara e bi nuasisira : bioku yabo kau nota i ni yakam.

11. Awa'i kaurina ? kom kanumiku kau Hades kega ki saumarei : ba am Kao'aobaisiena goyona kega i na kitai.

12. Kom yawasa ketana ku ni beyebeyiku ; nuagaire kaikapona kau matam e mamana : ba kau kasaum bainua-gaire e mamadamana.

SALAMO 23.

BADA au baibaipayapayaya : soya kega a na rabobo.

2. Kwapu kau matamatagina e bi dauviku : nua rauririna kau okoayokoa e raraua baiku.

3. Kanumiku e bi yawasi ; kau keta gairesi a bi naoviku, kona wabana kairavina.

4. Damanina ba rabobo kawanina kau kaiwakuna a na yewo sonagei, ba kega awaki goyona a na nagarei : kom yabata ta mamana, am kapia ba am ruakuna te bi morumorubiku.

5. Au senaupu ke yabayabari kau abiabia naosiai: gayamiku wairoroai ku i boroi, au vedu e kamsewa-sewai.

6. Piraga gaire ba bainuanuana i ni saununuriku au mara ere-onoasi : ba Bada ana yoveyai a na ma damana.

SALAMO 67.

GOD ki nuanuanikai, ba ki gairenikai : naona yakai i na rauyaseganikai.

2. Ba kau dobu am keta i na nosi : am baiyawasina damsia ere-onoasi kaurisi.

3. Pipiya si na bokabakabarim, God : pipiya ere-onoasi si na bokabakabarim.

4. Damsia nuanuasi si na gaire ba si na tabora sisira : ba pipiya totorinai ku ni buibuiyisi, ba damsia dobuai ku ni naovisi.

5. Pipiya si na bokabakabarim, God : pipiya ere-onoasi si na bokabakabarim.

6. Dobu i na ua, ba i na maria : God, am God i ni gairenikai.

7. God i na gairenikai ; ba dobu pusirina ere-onoasi si na kumarei.

SALAMO 100.

BADA kaurina ko na tabora dobu ere-onoami ; nuanuami si na gaire ba Bada kaurina ko na saibira, naonai ko na tabora botu.

2. Ko na nosi Bada kona God; kona kota i wosita, kota kona karinai; kota ana pipiya ba ana kwapu ana bapayapaya.

3. Ana kau matamketa ko na riu ba ko ni kaikaivi, ba ana kau debadeba ko na bokabakabari; ko ni kaikaivi, ba ana Waba ko na bogegeyei.

4. Bada gairena ; ana bainuanuana damanina ; ba yapa 'ikina pata ere-onoasi kaurisi.

SALAMO 110.

BADA au kaiwabo e wonewonei : kasaukuai ke makira
ba a na saivirei ba kam abiabia kaem asi kema.

2. Am maragata ana ruakuna Bada Zionai i na
kotoi ; kam abiabia kau basusiai ki taupauma.

3. Am pipiya am baimaragata maranai nuasiai te
berebere meyei, kao'aobaisiesi asi kadara, didibarai
rapanai : am tupua turubina kaurim e mamana.

4. Bada i kaobaiyoyobana, ba kega i ni nuabirabira :
kom priest damanim Melchizedek ana saivira nanakasike.

5. Bada kau kasaum : ana yagisi maranai tauta-
upamisi i na gwaris.

6. Etene kau basusi i ni buibuiya, gawara sirageyai
i ni bonuvis : gayama kupura kau pesarisi i na tupua
bewaris.

7. Okoa kau keta i na tomani : kona kaurina i na
tarakata.

SALAMO 121.

KAU koya a na gagaua : au baibaita meyei ?

2. Au baibaita Badai : sapama ba dobu wose bitana.

3. Kaem kega i na tere duduni : am pota bitana kega
i na daua.

4. Noi Israel 'ipiyisi asi pota bitana : kega i na
daua, ba kega i na kenowawapa.

5. Bada am pota bitana : Bada am kaiwakuna
kasaumai.

6. Kaoai kao kega i na raubunuim : kona pomai
nawaravi.

7. Bada goyona ere-onoanai i na potaim : kona
kanuminim i na potai ;

8. Bada am kasibau ba am riu : karakau ba kara-
kuwata i na pota damanim.

SALAMO 122.

NUANUAKU i gaire, sirinai si woniku was : Bada ana
kau yove ta na nae.

2. Kaekaeyai te msimsiri : am matamketa kamosiai
Jerusalem.

3. Jerusalem, kam tamoboaim : meyaga e mama kutukutuba rautainina.

4. Damsi nokoi te gegae, Bada ana damsi, matakira Israel 'ipiyisi kaurisi : baibaikaiwa Bada kana waba kaurina.

5. Abamamana nokoi baibuibuiya kairavina : David ana 'ipiya asi abamamana.

6. Jerusalem ana rom kairavina ko na raupari : te bi nuayaunyaunim was si ni gairena.

7. Rom ana rarata kamosiai i ta mana : ba baimayawana am kau yove.

8. Warewaresiku ba turaturaku kairavisi : rom kaurim a ni sisiyei.

9. Bada ama God ana yove kairavina : am baigairena a na raunuveni.

SALAMO 128.

BAIBAIGAIRENISI ere-onoanasi Bada te kumakumarei was : ba ana ketai te yewoyewo.

2. Yaroyarom ke saisaibirei was ku na kani : nuanuam i na gaire ba ku ni ma yawana.

3. Kaoam vine rautainina e uaua was am yove kamonai : natunatum olive sunisi rautainisi, am sorama te mama pipinis.

4. Noi, nanakasike pipiya i ni gaireni : Bada e kumakumarei was.

5. Bada Zionai i ni gairenim : ba Jerusalem ana baimayawana ke kitai am mara ere-onoasi.

6. Damanina ba natunatum natunatusi ke kitais : rom kau Israel i ta mana.

Tama ba Natu ba Kanuma Kao-aobaisiena : kadara kaurisi i ta mana.

Nanakasike pusirinai : kaku, ba i na ma damana. Amen.



